


梧溪集附補遺
三



梧 溪 集

附 補 遺

(三)

王 逢 撰

王雲五主編
叢書集成初編

梧溪集
附補遺
三冊

中華民國二十四年十二月初版

撰者 王 逢

發行人 王 雲 五
上海河南路

印刷所 商務印書館
上海河南路

發行所 商務印書館
上海及各埠

徐

梧溪集卷第六

江陰王 逢 原吉

擬河清頌有序

草野臣某某言。臣本江陰鄙人也。素不希仕進。甘分壘晦。讀書向道。以咏歌雍熙之治。比鄉邑多故。客遊吳下。且七年。今年春三月。躬聞黃河變清。混合雲漢。昭融光岳。青徐齊魯淮楚之間。神人驩抃。魚鳥咸若。卉木品彙。盡沾休澤。竊惟河源自天。注地中經巨袤。衍不計幾萬里。夏禹疏鑿。功用同大。厥後華夷殊域。雖代見激激。誠未足當天地嘉應。我朝一海宇。昆侖蔥嶺。始在化內。仁洽德流。垂及百年。天用彰報陛下。陛下仰契俯察。日夜澡滌心慮。拯塗炭下民。以答我皇祖考之祐。昔漢以甘露降而紀歲。唐以醴泉涌而製銘。臣謂自三代來。莫此爲盛。陛下聖德遠邁。河伯效珍。固宜作爲文章。聲之樂官。薦之清廟。特著國典。傳示無疆。願不偉歟。臣恩深涵育。分踰贊述。謹獻江浙省以聞。頌曰。

皇帝卽位三十春。黃河變清。月在辰。乾端坤倪。浩無垠。一氣混合。析木津。昆侖蔥嶺。涵大鈞。洛渭淮泗。嘉應臻。風魚無苗。龍擾馴。桃花不動。波瀰淪。陽和郊。椒見鳳麟。紫貝宮闕。闡怪珍。河伯率職。海若賓。天其念茲。昏墊民。于以淨洗戎馬塵。槎蘂沾勾咸。與新江南布衣。草野臣。踴躍百拜。頌斯陳。於穆世祖。堯舜仁。大禹功澤。歸聖神。

予讀王逢氏河清頌辭達而意敷得歸美之體鮑昭不得專美於前矣故爲書之前大史知制誥鄱陽周伯琦識

逢擬此時至正甲辰歲公則以江浙左丞遷南臺侍御史不赴遂告老中吳云逢敬書

懷先民賦有序

烏涇世儒僅有張氏其先開封人仕高宗儀鸞司門既扈南渡樂是卜居後寢昌大離列苑第曰太祝曰上舍曰進士角德翼義咸負譽望曰驥院質木饒臂益不拓湖苑屬元初官脅售其第爲倉征邏司族就衰替十有三世孫隆力田授徒幸延餘緒搜攬遺勝疏葵剗菜於是小山平林襟帶溝池凡樹石巖磴以植以闢積勞於躬粗有成趣至正丙申苗兵燬掠楊齋歸存又十年隆盡歸之於余乃因其舊稍更新之增崇浚深標奇著美遂號曰最閒園且次其所在用載用詠之矣尤懼跡忘於漸事湮於久復名其山曰先民一丘溝曰先民一壑立表兩間清沔秀萃庶乎見景慕於前修聊示崇廣於來裔也予不敏蓋有賴先君子庫司勤公於茲土天用食報畀有其世業於乎凡我來裔詢事考蹟以無昧於先民則吾先君子之德其忍有忘已乎序而繫之賦曰

繫予嬰世患兮幸謝病于藩垣家轉徙而仁里是擇兮得儀鸞之故園仰有峙類有流兮若天建而地闢矧磴繚峯前列兮水落盪夫橫碧樹叢轆圍且合兮起拱把於封殖蔬畝麥疇胥映屬兮匪一朝之人力詢肇基于鄰叟兮曰高皇之南巡箕塊磬石畚插竝興兮冠蓋繽如春雲迨國變門祚中衰兮尙佩衿之

振振何集蓼於暮齒兮。室罄懸而研廬。夫絺褐代服兮。鼓鍾代奏。誰巢鳩有兮。鳩弗善構。緬維顯考兮。著效茲土。默相俾承兮。猶曰納杵。期一日必葺兮。觀三年有成。懲鳩毒爲狃安兮。懷熊膽於劬經。在舊喪有賻兮。田祖有祭。一丘一壑兮。先民用字。延余薛之顥爽兮。激烏黃之濁流。鑒雲間之聞唳兮。杜谷口之鳴騶。企文學于東吳兮。夢禮樂夫西周。庶景行奔葉之作者兮。而忘其效。曠舉步之貽羞。亂曰。饗有藻兮。捫有蘿。流浚深兮。峙增峨。月闌林兮。露灑翠。直少微兮。迴明河。魚戢戢兮。沫煦。鶴脩脩兮。影摩。山鬼卷甲。木客寢柯。伊予弊冠。藏之層阿。造化邈焉。畛域兮。萬漚咸歸一波。感氣類以相聚兮。宜神鑣之聯過。於乎。孰謂同野可哂兮。而爭墩之可訶。

林屋餘清洞賦有序

洞自予始。而最閒園之清勝。竝萃前後左右。中峙直節小峯一。殆主山也。下列樂石二。曰泗磬。曰豐鍾。用節詠歌。長夏客徑造園蒲。或坐移日。因作是賦。以見暮志云爾。

餘清伊何。秀割林屋。土山抱石峯矗。拱豆岡。負甕谷。類菱芰。仰篁木。通壁門兮。包洞腹。雲一窩兮。陰四綠。冰百步兮。寒三伏。夏泗磬兮。豐鍾。口商歌兮。踞吾足。蜩如知兮。移響。鷗胥忘兮。下浴。水幽黝兮。涵衣。日早曠兮。隱轂。夫啡使兮。彈鴨。陰魯望與兄兮。友鹿。李涉渤濟虎兮。巖居。單豹來猿兮。嵩麓。高太素彼或不死。以尋盟兮。願躬候兮。遐躅。好風誰將。適瀝徑苦。高士杖憩。孤臣襟開。我巾飄飄。倒影在杯。願茲盍樂。鑒昔可哀。文賈諂于新室。琴挑奔于蜀臺。鸚鵡殺其鼓吏。沈香竄夫仙才。幸羊質而蚤戰。延馬齒之待摧。草倬

暑王梧悲秋回。瀉地苦汗漿。征塗浩歎埃。席冒之翠。岌然挹練江兮。故園鞠爲蒿萊。兒且闢而且構兮。麻往還兮優哉。童蚩蚩兮劃大笑。奚嫁恥乎陶壘。

言歸吟一首

歲反關兮蓬戶。月微行兮藥圃。兒相舂兮婦秉杵。不遑家卹兮。寧疾世迂。弧矢具弦兮。狼角若崩。雌似聞雉兮。揚安知鷹。霾黑颺作兮。曠黃蜮興。有求山人兮。言歸于澄。澄江。

六歌有引

六歌者。最閒園丁之作也。丁婚娶幸畢。齒髮加暮。才業不能上於人。足跡則與勢途相背。蓋二紀矣。夫考槃采芝。世莫追擬。是什也。竊惟豐山鍾霜。至而自鳴。歟。其一禮雲曰。

雲何禮兮山中。高子子兮天南東。或碧合兮素抱。類愁思兮從無龍。獸金精兮降西極。挾風伯兮走沙石。鶴退飛兮鴻無留迹。渺親舍兮獨耿耿。聊致恭乎松柏。其二懷霖曰。

楚軍挾纘兮燕谷溫。我姑置兮。緬懷殷人。殷人兮爲誰氏。威高宗兮巖穴起。霖大旱兮舟大川。上輟析津兮騎箕尾。聖途壅兮賢遠。夷風猖兮獸隨。據梧瞑兮曾移時。悅三尸兮籲帝以詞。乘大輅兮冠啤。雲翕弈兮降下土。其三寶月曰。

寒韞轆兮安之。陸媚狐兮川嘖鯨。帽高屋兮裘重披。偶賓月陽岡兮。如夙之期。光溢林兮。爽浹豆卮。石立諸生兮。後先孔餒。舞難念狂兮。飯牛志睽。氣夜存兮。鄒孟實師。井絡東上兮。河鼓向西。望舒駕邁兮。影流

堂堦。今時何時兮。斯覲匪夷。其四掃葉曰。

冬迫兮秋徂。鳳郊麟極兮。無時樵蘇。溪園數畝兮。兵殘燹餘。林葉變變兮。若天委地輸。且箕且箒兮。罄折老軀。勞甚鑿骸兮。心無其虞。彼薪蠟屋誅兮。貧莫我俱。其五采薺曰。

山黃落兮。虎現石體。水歸源兮。洲露鯨尾。乖雷震兮。喪七馬無轡兮。車無柅。病謝至屢兮。質變餘幾。童孫何知兮。跪進素履。諒苦節卒貞兮。園采有薺。其六嘸和曰。

寒日薄兮。西枝身重壯兮。無時慕伯玉兮。蒼化忘李廣兮。數奇維馬兮。齒老前齊師兮。病知道。鱣脩大兮。泳淵雉華章兮。伏草誰其逃兮。民之先嘸至和兮。彈無弦。白雲抱石兮。青壁劍刺天。虎柔不肉視兮。內養維全。

夢濯足

道固委蛇兮。匪蹉則跌。夢維濯足兮。巫咸何說。汝無蹂龍兮。龍不汝齧。君黃二鄉山名青屬兮。歸鞅其稅。嗟嗟夸父兮。狂奔彌渴。

留瓢湖夏生薰名其軒曰剽清一瓢而爲之辭

彼湖氣盈兮。我瓢腹枵。爰剽清兮。沃我焦焦。沃兮黃寧。嗟風無時兮。日車搖搖。賢有樂兮。聖尼隱有辭兮。帝堯瓢可破兮。湖不可唾。鮪寒在藻兮。龍也泥臥。

華綏贈張司征有序

華綏美烏涇稅副使張履謙也。謙雲中人。以官門秀造再遷。司征於茲。首見予林谷下。言溫氣粹。殆有容者。既而先綏後條。實夷魚蠹。紛輸沓委。宿負畢償。常課有贏。薦紳游從。尊俎談詠。未始徇貴勢。率儒趨焉。踰年。大使呂子敬至。又六閱月。今副使樂平朱孟淵實代。竝謁予曰。涇之稅有局。歷歲一紀矣。裁履謙得書上考。其母華夫人死節。抑嘗託先生文垂不朽。是行也可。無一言贈乎。因重敬淵請。且仕與舉。其果能効也。乃序乃詩曰。

我伏維奧兮。我棲維卑。之子之顧兮。深裾華綏。踰年報政兮。春生烏潯。詩書行色兮。金玉德音。世無狹回。善步則裕裕也。伊何親教有素。

張節婦孫氏哀辭書黃黼成章詩後有序

予友生黃黼嘗示所挽江黃張節婦元一詩。且曰。節婦者。其同郡經歷孫震卿女。初震鍾愛元。慧介贊張某。六閱年。所有子二。長鑑。次鈞。而寡。由此益清約自持。擇師訓鑑鈞竝娶。至正辛卯。穎亂滋。乃盡室連弟。屬舟濟江南岸。未久。烽迤迤尾逐。遂相率次潯涉番。入泊軍山湖。明年仲夏六月。警荐急遷。寇遇鑑被執。裝齋蕩然。樂土善地。舉淪陷矣。元仰歎曰。未亡人所以健徙者。冀保全耳。子虜家破。潔身以尸水府國。天亦厚焉。時家婦呂養女招妹。偕應曰。母姑既命。忍苟生耶。於是繼而沒者又二十三人。鑑今舉秀才。丞英山。黼舊職儒。穎上。其言足信。聞爲請予樂序而辭之。非鬪靡也。胥發揮也。辭曰。

茲辰何辰兮。寇合烏兒。生捐兮。牛馬驅航。有斷港兮。坂有覆車。家喪技窮兮。曾不若狗廳女。眇母兮。婦向

姑誓下塲兮水仙祛。治日蓋久兮。奢佚亂俱。風節之凜兮。世教之扶。吁。鬼不終餒兮。天孰謂迂。

黃良臣哀辭有序

辛亥春某倉儲事覺。上海連黃氏子良臣良佐。械送秋曹。臣謂佐曰。元季凡隸於倉者。猶荒雀趁熟耳。今倉禁嚴。飛災況逮。不翅火燎毛。我本孤哀嬰。保護之。傳教之。迨長。皆叔父賜。非叔父。蟲出幾何歲矣。我幸無內顧。寧切第委之我。爾生還。葬我先壟。以報叔父於地下。歿存庶均安乎。遂相對慟。聞者莫忍仰視。比推鞠。一如所言。而佐果得釋。叔環和。謙育好禮。與予善。臣氣幹類燕趙產。孝友蓋由天性云。佐一日衷麻來拜。請曰。佐伯父母蚤世。伯兄又徇義死。黃氏德祚延。俾舍中有一尺籬。必允伯兄後。先生丈人行。辱過聽焉。予嘉悼久。因附其言於哀臣序。辭曰。

大夫殃及城火遺。酷吏獄具牛毛辭。借死厭衆古有之。子安者何命非時。驚風千林枝葉披。柳車道擁山川祇。伶俜從弟莫已思。斬天繼祀將勿墮。我哀蔽以七字詩。朱顏鐵肝天下奇。

焦德乙郎哀辭有序

焦諱白。字任道。本淮人。遷長於吳。材志不羈。張氏初。辭湖學教授辟。客泖海上。興到作詩畫。率不凡。醉或濯風弄泉。曳影月下。俗目之迂。白自若也。張亡。所在蒐儒。遂變名德乙郎。浮寄冗食僧舍。惟久於嘉定林原家。一夕心動。省母吳城。爲門校察。延淑其子。未幾郡曹柏至部。日以還養告。勿獲。寢且病。或諷曰。若順而髯。黃金加鞶。爵列侯等。不猶愈帶索耶。輒不荅去。殆伏枕作書二。一囑嫂姪善事母。一謝諸

舊卒時歲在龍壽甫五十。考文炯。天歷閒。社稷署奉禮郎。予其兄行也。哀之辭曰。

德乙郎。皎皎衣義。不汨鱗長于泥。裹骸骨以歸。無從涕揮噫。

曹傅哀辭有序

傅字幼巖。宋賜金紫鄉先生碩之十五世孫也。至正乙未亂。父銅陵學諭諱思順。憂悸歿辟地。既兵猝臨。二妹義不受饑。胥蹈刃死。傅被創。絕復蘇。幸姊甥竄免。共畢葬。轉徙至海上。丁會秋。以予薦。主張林塘家。首過焉。出累葉遺橐一束。謂曰。傅僅保此。天不斬叢桂餘澤。使枿復芽而復有儒。允家難庶其忘乎。予荅曰。仁者必有後。自是交忘。年十年。屬歲丁未八月。適中寒卒。於乎。傅孝弟篤信人也。奉姊稱賢節。杜母訓。甥矩作鄉社師。在平居閒言動文爲。又非淺露器。而壽甫踰四十。子嗣緡。始二歲。嗣紳未啐其命耶。賻以斛米斗酒。哀之辭曰。

虎之斑兮。雉儀參敬輿兮。持衷旗深褐衣兮。繫帶垂勿利逃亂兮。適丁禍奇。親憤卒兮。妹義死。痛巨創兮。氣餘絲。稟葬兮。封土。姊灰容兮。共艱苦。野晦昧兮。鸛警辰。沙蘅從兮。鴈遵序。蓬轉糴食兮。及此海塢。假館授徒兮。粗緝世緒。不大厥鑊兮。烹小鮮。無肉于豆兮。有蔬于簋。嬰襁褓兮。乳下甥。佔畢兮。膝前。夢叢桂坊父號名兮。枿發懷孤柏柏窗兮。蔓纏何東南。游變革兮。溢厭氛兮。長捐於乎。命由天賦。道繫時尼。奚悲鵬止焉。樂馬失。諒消搖故鄉之先隴兮。敵蔥龍兮。綺秀鬱。孔禰交不可復得兮。聊婢嫠是弔。莫之以卹。爛雲兮。華

星。愴對兮。篇帙。

仲倩許生枸哀辭有序

枸字友倫爲同郡許泰和之季子予之仲倩也許氏醫承十有四葉而枸孝友睦卹之聞錚錚族里尤工詩鵲綬翟章影日林間不幸三十卒予撫哭曰許氏杏失一林吾家詩減一派矣既哀辭曰

榴英英兮朱房菱濯濯兮翠裳筍登俎兮蕙宜纓雨壞風折兮又隕以夏霜行豐壽嗇兮仲倩之傷傷之兮復何喟悔交來兮志孔厲高扁誰兮去晉陋華佗兮死魏已焉哉詩減一派兮載滂予涕

租籍銘有序

租籍一帙先庫使榮亭翁之手書也逢倉卒去乙未亂物多散遺而此儼在沾灑伏覽尊容如對之字畫外因憶幼侍側承言近代有王士良者本庸氓歲租入義令種戶自量士良字由自量易致感兩蘇早見載鄭上舍所南錄爾小子善推是心曷事不濟逢佩服幸老矣序而銘曰

粵昔去亂廬爨田墟手澤之存百艱身俱維存維天猶古作則繁星寒芒蒼柏勁色杭冬麥夏平恕行槩醪載餼漿汗力無貸偏陬下邑一石二科倍取旁斂貪涓成河孰善爲導庶草風靡歎恨聲獨胥樂田里孤露餘生弓箕忝承序銘籍左用飭後仍

銀星研銘有序

研江陰許泰和氏所藏物也膚理縝潤微縹有星熒熒然印若銀礫蓋歛石之精者周郭纖圓上下均一而模製尤工既以徵予銘予謂許自扈宋駕南業醫凡十有三葉迨泰和道益彰更涉世患族姓具

全遺物並在。其守之確施之溥者歟。遂爲銘。銘曰。

少陽委精。歛孕英。金礪玉琢。發素芒。體屋用晦。泰和堂。涉世多故。同壽康。孫孫善藏。世永昌。

張氏石几銘有序

几蓋元故參政公諱瑄園堂中物也。成宗朝家沒。几爲鄰有。幾六十年。兵興世遷。而公元孫守中。文行日脩勵。几復焉。予嘉歎而銘曰。

趙歸璧。合返珠。茲几石二者殊。不迷復。有孫儒。祖來馮。光氣敷。心祇若。左右隅。浦維黃。涇維盧。尙永傳。戒爾孥。

章氏激懷樓杯銘

無查滓。酒則激。無物欲。懷則激。汪汪春陂。維德之朋。

山雲杖銘

鮮衣怒馬。彼皆子舍。敝裘帶索。子不我卻。富貴多危。貧賤乃安。將子是倚。是賴。尋薇藿于山閒。看牛斗于雲端。庶乎免世路之難。

瘞冠銘有序

冠名製不一。予中歲始冠。處士冠。養疴最閒園。自是或戕而瞻。仰而捫。俯而擷者。九閱寒暑。一夕戴微月。入幽貞谷。將登濯風之所。適露磴滑足。側冠觝石以裂。因憶九寒暑閒。避兵塵再。今儒卿守臣。致書。

幣以予應詔三卒苟全且不起翼復舊業與之照影大江挹爽君山至同朽席帽峯隴下詎非願歟冠已矣予忍弊是卒乃會數遺老覲而藏識而銘曰

予髮根於天禮維爾先寧觝石碎不抗塵全噫以爾炊曾不若屢屢以表以辭異夫敵蓋帷新加首心其故思

儉德堂端研銘

維平維方達險蓋常兮維重維厚靜乃克久兮玉韞冰涵類養引恬兮殆惡文著雲霞絨兮時否斯貞道亨其泰清兮

存心齋門銘爲郡知事海寧楊子明作

一氣肇分萬彙其芸芸乎命於兩閒最靈其惟人乎心攝夫身其猶君乎六鑒其從而委臣乎其靜也先天地而純乎其動也後天地而神乎疇亡其誠而離其真乎蓋盍返其根乎猗歟元僚其操其存乎爰闢齋居八窗洞然其無塵乎藏脩息游儼若思之辰乎存所存其事天乎推所推其新民乎朝斯夕斯將同歸道義之門乎

鐘銘有序

上海靜安寺舊鐘入於官寺僧覺曇募銅至六千斤而龜氏冶范成且有日乃介前淨土住持元淨乞梧溪老人王逢銘之辭曰

金聲爲物鉅曰鏞。深徹泉府高達穹谷。傳海應流景風。頓息諸苦。開羣蒙耳。塵空淨心。觀通六窗。具圓佛性。同博哉功。施垂無窮。

虛龕箴有序

韓景陽司丞子頤。聞予密室成。爲寄木絲布帳。用資靜學。因顏曰虛龕。而贊箴左方。

龕中虛息。以子予虛中。靜與俱。夫舟載諸物。穀運八徼。光燭羣暗。谷應萬竅。虛其妙哉。君躁於治而民轉犯。虛其望也。臣急於察而吏愈貪。虛其塞也。父子夫婦兄弟朋友。凡慊虛者。世共疚焉。使一日拔地起山。嶽而不爲礙。使一時亘斗彌雲。霾而不爲昧。不隘于江海漲溢。不動于風霆震駭。斯虛之大者乎。嗟夫。顏子實若虛。予老未聞道。臥而氣昏。坐而形枯。烏知曷之二用。行六爻位。蓋無中庸心學。天人同徒。將蹈晝寢。聖謂何誅。

三教圖贊。張渥叔厚畫。題於張氏味蓴軒中。

東魯一貫。西方不二。老氏得一。教分道異。忠恕而已。竊聞諸師。厥它未遑。莫旣贊辭。

石生贊二首有序

密室前列峯石二。曰嶄角生。玉筍生。中置小碣。命工刻辭。發善懲逸。庶望子弟焉耳。

石生嶄角。重厚端確。出我門地。隱若一岳。浩氣直養。道體有卓。立雪肅然。類也古學。礪頑受煉。璞渾聽琢。誰甘下愚。視此罔覺。

玉筍石生秀銳直貞抗節淇綠含和藍英伊誰偕藏嶺角薜纓梧月貺彩竹露與清軼塵虎丘嚮風穀城用嘿絕晉永崇令名

瘦石贊在先民一丘閒

石有瘦璞無脛無脛健走以售速剖有瘦健守不偶致壽吁山藪藏疾天造就爾質

直節峯贊在林屋餘清洞閒

小峯直脩磔硤錯節靜壓巖洞崇餘林芰矯矯生風隱隱豎雪受命不回我瞻則悅

鵝生鳳傳

鵝性剛慄身視鵝不能十一凡見鵝經巢所輒不絕鳴奮焉翬傍批上擊鵝引去乃返若護林然故又名鵝舅鳥有蠟味者子將誕巢率依鵝否則覈爲伯勞害伯勞卽鵝鵝惡鳥今年丁巳鵝巢最閒園大柿木旣產雛一狀鷺而小色竊古淺藍元白閒稍颯之則罵也鳥克自肉食徐遠適云或曰昔宋康王時雀生鵝不久社屋今鵝遇惡保善俾他類遂生養與雀異鳳種九出咸應天時關人事少皞用名農正官尤非鷓鴣斯寵微乎予聞而嘖曰予涉壯強艾年未始祿升斗茲謝病且老尙奚覲然帽峯隴畝在天其示歸田哉

走菜對時聞黃巖官兵不利

漁者市蜚蜚而號曰走菜怪而問焉漁者曰是蜚也俗以走菜名逢曰菜穀之配菜熟人無饑色此名辱

菜甚。漁者曰：此菜名，是猶晉人以魚爲菜也。逢曰：奚以走爲？其嫩熾然，其目矩然，其足戈然，其居穴視專城然。水煦草食，橫行無前，得無螳螂觸輪之勇乎？漁者曰：螳螂激壯士有功，彼雖被堅執銳，不過據地則貪而肆，暴遇敵則走以幸生。如是而已。逢歎曰：蓋色厲而內荏者歟？今食焉而避其難者，亦其類耶？漁者啞然笑曰：子未知走菜，曾不及烏賊胸中有甲也，尙敢望螳螂哉。

題顧柏貞松泉卷

長松蔭寒泉，離離石堪把。幽人於焉隱，頽仰與世寡。鶴巢雲臥時，猿飲月明下。悠然古根坐，漪舞翠雨灑。餘齡三休真，昨夢一炊假。萬有靜觀妙，庶希得道者。松花釀來醇，客至歡洗粲。

陸貞婦趙氏有序

趙氏爲安吉幕長澤之孫女，而鄞處士陸肅之妻也。至正閒，兩浙多虞，肅辭海寧主塾，與趙隱居松之瓢湖。丁未夏四月，海隅有警，旣兵猝至，肅偕趙倉皇赴舟，未遠，同難者爭舍舟陸竄，肅登岸，將復攜趙以行，而兵偪之，傷刃者三，遂仆深淖。趙竟自投於淵，時有歌之者曰：四月三日兵撓湖，婦女多被辱，與驅殉節伊誰天。水姝肅，字子臨，雅交於逢，逢序而詩曰：

瓢居澤國奧，草木潤不枯。千年瀟清氣，鍾毓貞趙軀。貞趙名門息，良人列仙壚。廿載甘蓼同，一旦幽明珠。覩雨有穴螳，相風有竿鳥。夫夫婦婦職，焉知兵爲虞。維北崇澱山，廟貌秦三姑。似傳雲鶴君，招要天水姝。綃裳翠羽蓋，明月雙佩珠。邦侯俾從祀，庶激後世淳。

愛萱堂有序

愛萱堂者。瓢湖夏生肅。奉母吳氏之所也。肅與母弟鼎。幼失怙。吳時甫三十。志不再醮。撫育肅。及長。且延碩儒以訓淑之。至是竝敦學行。崇孝養。名其居曰愛萱。前進士錢思復爲記其事。母今垂老而樂康逾壯年。予併美之。詩曰。

故侯義種瓜。隱士義採芝。孝子知愛萱。樹對母氏帷。雪芽獻春饌。紺榮拱坤儀。天人至交戕。裕然全貞頤。瓢湖清且漣。蛟館冰蠶絲。方諸淨開鏡。伯仲雙從螭。長願寸草心。釀作蟠桃卮。嗟嗟凱風詩。棘薪定無時。

故卿先執贛州興國縣尹葉公挽詩有序

公諱森。字仲實。其先江陰人。凡七世止一子。故無支親。曾祖青。祖起宋。潛德弗耀。考祚。蚤孤。自樹會元。師南下。率西鄙數千百人。逆謁裨將陳于陳沙莊。畀矢一及尺帛。符里族賴以全。公性愷敏。通蒙古字。學。郡推擇爲譯史。兩轉授將仕郎。兩淮鹽使司。監運綱船。不勞而集。改鹽官州判官。適大侵。負海寇聚。兇焰蓬勃。公擒其魁。迨黨豎十八人。時斗粟十千。殍殲枕野。屬倉庫竝罄。義激巨室。發贏糧三千二百二十九石。鈔八百五十三錠。賑四萬七百人。復以二千一百四十五石穀。直續濟二萬六千六百六十六人。不足。又勸善富者米一千六百石。給三千餘人。省臣嘉公採荒有緒。檄攝富陽。一如治鹽。官得米二千三百石。療飢氓一萬一千一百一十九。調新喻判官。時蒙山銀場。以官估抑民市木炭。由州抵蒙路。陲靡。卽上白西省獨之旱。屏僚吏齋沐以籲雨三日。農以穰慶。丁父艱。起擢上高縣尹。俗尙訐。有大

猜況羹挾子姓作民害。言之部使者。榜諸市。仍疏惡於門。以幾出入。豪橫股票。邑中浮梁當要衝。歲脩輒歛圯。躬募義士黃氏等。共分田置莊贍費。自是梁永固。官無煩焉。繼母吳恭人。訃聞奔還。哀慕如實生已服闋。陞承直郎。贛州興國縣尹。比命下。先道病卒。時至治二年也。壽五十八。葬耐黃歇山祖塋。子仁廕。嘉興石門巡檢。累遷至從七品。樂平判官。澈政綽綽有父風。而優於問學。樂平子材。版授蘭溪判官。蘭溪子齡。一日袖同進士出身傳貴全錄事。所製公墓銘。過予。拜有請。予惟生晚去亂。甘晦以老。竊嘗錄忠孝節義事數十百。於鄉先哲敢辭。乃敍其槩。追挽以詩曰。

老馬知歸途。游子久異縣。鑿鑿鄉執銘。芝鳳喜及見。士生遭登用。如帆得風便。萑叢拔巖門。菜色驩海甸。山丁獨徭役。田畯慶豐羨。猾慝豪股票。梁輩衆心眷。訃奔繼母喪。淚沁沙彌薦。吉服戒中路。河嶽氣蔥蒨。遂成采真游。孰謂游魂變。幹蠱光後烈。竊交忝遺彥。大江流疎星。其波自紆練。安得六七公。爲擬襄陽傳。

題金故翰林修撰魏公狀表後有序

公諱璠。字邦彥。宏之順聖人也。曾祖餘慶。大理評事。冤獄多平反。祖子貞。兜答館酒使。父德元。甄官署令。公忠明剛簡。奇節自負。由太學生。中貞祐三年詞賦第。丁內憂。服闋。調會州司候。不赴。正大初。補尙書省令史。時上廣言路。公首論將相非其材。且不當立宣宗德陵。脫河關失守。必罹凶禍。權殯隆德宮。便故事。省史無言事例。上優詔答焉。事竟寢。遂辭退。辟襄信縣令。邊邑也。屯兵橫虐。民公按法不少貸。衆擁其長挫辱之。公正色折以理。莫不褫氣。改儀封。大建孔子廟。三月政教興。以母高年老。請就養京。

師七年倒迴谷之役屢捷。僉謂中興可冀。然將臣駐兵關上。莫肯席勝逐北。當國者又力主投瓊孤注之說。公憤然上封事。引喻符秦淝水之戰。甚剴切。不報。京師戒嚴。復極言勢危蹙矣。外鎮曾無勤王者。唯隴右守帥完顏胡斜虎可委仗。宜遣人論大計。如訖無人。臣請行。又爲權臣所昵。閱數月。斜虎提軍入援。上悔無及。恆山公武仙頓兵五塚山上。欲趨之。難其使。近侍李大節薦公。召拜朝列大夫。翰林修撰。時國門外烽警相望。因感泣奉命。比至。仙已遁。部曲散無幾。公撫集數千人。推可帥者。造符印予之。自劾矯制罪以聞。繼訪仙在留山。公直踵焉。或讒公奪若柄。仙怒。兵皆露刃外嚮。頃一吏與公辯。公大聲曰。將軍過信讒。不加禮遇。乃俾齷齪一小吏與天子使置對耶。且將軍猶狐山谷間。而左右無異心者。以天子宿將故也。苟不尊天子命。安保麾下不有奸名犯分者乎。將軍務鼓行。無慢王命也。仙揆不能屈。出見公。激進援卒。不應。聞乘輿播遷。閒道走行在。仙已遣人誣奏公罪。上以其護不問。天興三年。載自歸德扈從幸蔡。城陷北歸。賢聞達。皇元庚戌歲。詔徵之。尋卒。賜諡靖肅。無子。從孫初。後仕至南臺御史中丞。仁宗追贈公翰林承旨。初。河南參政。諡忠肅。其孫山東運司知事貫。久避地吳松。世革後。妻貧益甚。而不苟祿仕。閒示于家乘。旣爲題九世從祖子平參政致仕誥。復合渾源劉郁。河東高鳴所製靖肅狀表序之。詩曰。

維公發巍科。戾契仕叔世。疾風草彌勁。錯節器乃利。心折謝元師。志奪韓愈使。及歸國如燬。涓水莫止沸。彼蒼鑒忠赤。異代豐爵諡。狀表垂百載。讀之凜生氣。羊頭翳桑乾。貽厥漫刺字。鱸江歲復晏。搖搖雙蘭柅。

有懷置無言。抽毫竦神思。

送楊生遂出贅有序

生字士初。爲芝泉先生孫。又從游吾門。茲出贅請別也。贈以言曰。秦俗行雲閒弊滋甚矣。近見巨室壻某老。且有孫。而家廟僅有妻祖禰神主。因諱曰。若承大宗。則歲時饗先將若何。某哽泫不能對。他可知焉。生永嘉龍步世儒族。幸鑒此母蹈。生拜授已。徵詩詩曰。

秋清五綵輿。僕夫臨庭除。郎君美冠帶。出贅南里閭。借問何所將。一笥先世書。李廷晚居士外翁朴茂質。新婦玉雪如。牛羊充後闌。槩稔環前渠。強近親復盛。行矣慎向趨。情昵移素存。溫飽喪遠圖。願言于飛燕。更效反哺烏。同室異祖祠。祭告誠交孚。傭販化成俗。毋煩邦大夫。

題武州守張公奉先遺藁後有序

公諱思孝。字奉先。高曾祖仕金。世居潼。因亂徙家雲中。父林。饒貲。善直閭伍枉。人貸錢粟。比償。輒諭曰。粟易罔陳。錢散罔盜。予本意也。奚汝息爲。或婚喪弗舉。助賻靡慊。有相者曰。若多陰隲。當生子貴而受封。公生年十三。師事燕名士史彬然。繼授尙書于姚匡弼。遂博學長文辭。由儒諭正遷前衛教授。陸昌黎尹。未赴。分省圖魯參政。辟爲掾。至正己亥。寇關偏城。公率哨騎出。翦六醜首還。而圖魯遁。急追止曰。軍民莫不奮志決鬪。勝則功顯。死亦忠也。苟棄城走。如責守何。夜復潛往。請以族黨家僮前鋒。自効。卒弗聽。既他將李羅代鎮。朝廷咸推公謀辯。改擢都事。凡獄案覈讞。平恕明允。衆號曰秤都司。云。轉守武

州皇贈林太府監丞。尋大臣以武重地。常調官。難設施。奏署公行刑部員外郎兼州事。於是材勇集。爪牙樹。法律嚴整。強暴沮伏。然忌將多弗協。勦而國步亦蹙矣。洪武己酉召至。時宰數獎勉。留期年。卒辭歸。謂子亨曰。此無負吾學耳。壽六十四終。妻夫人華。享婦劉。罹兵不辱。先公死之。舅氏及繼母妹老無依。養葬竝如禮。育嫻舊子女孤貧者。凡三人。俾習善藝嫁娶焉。迨所遺棄有訓。亨曰。意當極快處。心有不平時。少忍應無害。欲言宜再思。題二喬曰。綺窗花落東風軟。曾讀曹家女誠無懷慶道中曰。一眼濁黃天塹闊。半眉老翠太行昏。辭歸述懷曰。敢效子陵辭漢爵。願同巢父樂堯年。志行概見之矣。亨并乞予紀咏。期慰公於無窮。乃序而詩曰。

雲中漢名郡。恆山南鬱紆。桑源匯金龍。

池名。柏林巨飛狐。剛勁風氣關。

文章肇崔浩。虞世南。彬彬張奉先。

發軔三轉儒。薇曹首食檠。花縣追治蒲。塔幢梢參昴。

公嘗登。

雷湫薦潢汙。

雷山嘗祈雨。

別業虎峪側。棗柘聯瓜。

壺霜寒快雪。霽小隊短袴襦。瘦馬從黃蒼。逐兔充燕娛。塵高寇關逼。剪醜六血顛。倡勇願率先。遁將寢所謨。朝命佐他幕。蔚破楊誠俘。一時秤都司。綜覈無遺銖。武州遂綰綬。刑部仍分符。堡列屬鼓鐃。齋開衛戈受。焚黃拜醑酒。五色日動矚。不謂鄉困弊。游羅兵掠屠。家蹈白刃雙。兒泣青燈孤。鴈賓羣入楚。蜩蛻單違吳。有天戴重泉。無地返故都。遺棄累百首。暗夜光壁珠。烈烈悼亡詠。汪汪運甓圖。遲遲去國懷。落落逆旅酤。憂憤何當平。忠義日月俱。竊笑投閣老。元經與童烏。

史彬然者。周王謀客也。勸王卽位虎林。詔天下。然後之京。王遇鳩。文宗搜邏謀者。彬然聞張林重士尙

義變姓名託焉。至正初如京。與宰相啓有曰。運籌聖帷之內。寢而不行。草詔御榻之傍。惜乎無用。及見禮不少讓。或勸之。彬然曰。吾嚮侍先皇燕坐。彼皆執酒炙者耳。仕祿寧不得氣節。不能下也。既奏。擢翰林應奉。上曰。此先帝遺宿。宜獎大任。宰相對以布衣須循階秩。彬然歎曰。吾衰矣。豈爲人應文字耶。歸志浩然。壽終高唐鄉里。其於經史天文術數。罔不精該。嘗語武州曰。惜汝幼不能盡受吾學。汝垂六十。常見國改。汝家子若女。必有以忠烈顯者。至是驗云。

謁浙東宣慰副使致仕任公及其子台州判官墓

有後序

殘陽燠青苔。檜夾神道古。眷惟任公塋。穹碑幾風雨。龍江餘衣帶。駝阜猶僊釜。荒寒螳尊垤。慘淡蛟徙戶。舊封四名邦。包絡吳水府。不有疏導跡。未已昏墊苦。右軍社稷器。世仰法書祖。公也白公鄭。渾才游戲追。顧虎。台州我姻婭。晚節託元圃。耐隴面北辰。霜至亦宿莽。愴悅來軒車。頭顱整章甫。

予避地青龍時。聞遺老言。東盡艾圻。浦皆葭蓼。篠居氓十餘家。日弋水禽野雉爲業。公產是閒。輒異羣兒。習負笈力學。年十八。第郡試。旣冠。宋革命。袖一刺見游平章。奇之。辟宣慰掾。繼省授青龍邏官。俘蟠龍寺作耗者。盡釋脅從。至元二十五年。擢海道副千戶。以功轉正千戶。會征交趾。改海船上千戶。是年浙西淫潦。建言河沙匯。乃吳淞咽喉。不先此而他濬。罔效。大臣不納。後果湮塞。大德七年。重滂平章。開里起公督七十餘里。萬畚鍤之役。井然有條。卒入覲。成宗勞賚有差。進都水監丞。至大元年。除同知嘉興。又明年。遷中尙院判官。適大都通惠河閘底鑽木汎湧。流覆舟。譌傳有怪物。中書徵公。不兼旬繕

完會通梗澀。復窺泉眼。鑿僵沙。舟楫以達。陸都水少監。河決汴梁。溢入歸德府治。公結鑿篠簜。掃實河口。築隄五百餘里。以扞橫流。編戶奠寧。延祐三年。出知崇明。脩學闡教。民胥興行。至治二年。鹽官海激。岸崩。鎮江練湖淤積。竝命公治。海岸以固。邦賦無阻。泰定改元。詔賜銀幣。與行省朶班左丞。部六郡夫。疎導吳淞二道。大盈烏泥二河。事竣。加江陰尹。以七袞聞。上不聽。特任都水庸田使司副使。計創石閘六。築塍圍八千。浚溝汊千有奇。太湖衆水。東入於海。四年。鹽官海荐爲害。公一如制河決。用再帖安。以中憲大夫浙東道宜慰使司副使致仕。壽七十三卒。諱霆發。字子明。月山其號也。所著水利書具存。尤善畫。其熙春天馬二圖。仁宗詔藏祕監。其先本徐邳三山人。考珣。贈高郵知府。妣夏。妻高。竝贈樂安郡君。子姓多致通顯。曰賢明。精寶太師鍼烙。至正初。學士揭傒斯引見。上欲官之。辭歸。監丞陳旅送以序。曰賢佐。由廕累官台州判官。階從五品。遭亂遂遠引。相知予久。長兒掖。實娶台州女。歿而自烏涇往祭。就謁宜慰公墓。宜慰孫璞。嘗割田二頃。贍青龍鎮學。中年謝軍職。迫世變。一褐畝廬。義不去圻上。因示墓碑。乃錄其概於詩。後以歸之。

覽魯道原提學舊送伯顏守仁會試序

道原·淳安人·守仁·善畫竹

草元收子雲。養生殺叔夜。言從奚行違。腹誹或唾罵。魯公山澤姿。天子策親射。一承丁喪亂。累辟力辭謝。影息還棲楨。臍退食柏廚。茲文氣忠激。玉杓迴紫華。匪惟振懦頑。實是裨教化。千厓天機露。萬水淮海瀉。鋤菜少我匹。畫竹無爾亞。每過鄭同襟。徑去阮獨駕。春暄會飛舄。兩兩淳安下。帶蘿拂松花。絮酒瀝蘭藉。

尙懷推兄行。繆敬沈元舍。兒掖後執經。燈前講王伯。特立筆已矣。竊喜絹增價。爲移淇澳陰。茅齋挹清暇。
沈元之。杭士。重義好客。嘗辭文學官薦。

鴈門秋意圖。爲大同郝雲表題。雲表偕其弟驥。久僑京口。命費松年寫此。以寓鄉里之思云。

代州嶺頭開北扉。地形倍高風斗威。張遼牙爪將名在。沙陀獨眼龍潛輝。晉汾水落趙日微。楚萍實大吳菰肥。雲中羽儀伯仲氏。南來雨雪序不違。北辰煌煌天旋機。伯仲行逐春鴻歸。春鴻歸。冰蛆美。拓拔舞進。葡萄紫。人生無如樂鄉里。

柳津孤鴈圖。題送烏涇黃生黻。往穎上兄所。

浦水渾。柳條短短忍攀潭。莫浣才郎衿佩青。於莎將隨孤鴻渡淮河。酌之兕觥歌驪歌。歌長酒深奈別何。
邊至愚竹雉圖歌有序

至愚諱魯生。宣城人。材器超卓。以南臺宣使。奉臺命西諭時。嘗爲鐵厓楊提學寫此圖。後至愚竟以不屈辱死。朝廷追贈南臺管句。鐵厓旣序其事。復徵予爲之歌曰。

南臺管句有氣節。手寫竹雉心石鐵。鐵厓捫其三寸舌。奉命西諭慎開說。韓愈一使廷湊悅。竹不撓。寧寸折。雉寧死。不苟活。使衣無光日明滅。悲風蕭梢吹駟職。齊城竟蹈鄺生轍。土花尙碧萋宏血。我爲作歌旌汝烈。

吳興楊節婦辭有序

楊節婦吳年廿五有殊色。至正丙午秋八月大兵將徇城。吳自揆汚辱生。寧貞白死。攜二子。竟投苕水。逾月城破。父媼見其母子竝浮。若不相離。咸嗟異焉。天台旭元明長老。交吳之兄。爲誌其事。予又因旭請咏於辭云。

丞相張士

師昏長夜酒。司徒援絕憑城守。七萬兵分諸將屯。坐視霜風折蓉柳。冰肌月貌忍泥滓。錦棚顰佩同歸水。九原無愧先人面。終身不作他鄉鬼。君不見雕戈白馬氣如雲。昨者烈丈夫。今日降將軍。於乎楊婦吳氏何可羣。

汝盜解引同張耘老。薛古心。倪自明。三遺叟賦有序

解本宋高皇壽成殿花餅。御書遺刻尙在。旣破而工人裁爲解。故人某購得之。數出以宴予。後某以憤卒。解今見於他氏。感歎不足。形諸短引。

汝州瓷冶灰久寒。壽成宸翰猶龍鸞。黃金爲相號曰解。酒面細縐舊花氣。我嘗醉月江動搖。故人掀髯把風袂。君不見周鼎遷。秦缶歇。露盤傾。唾壺缺。嗚呼。髯兮死。憤嫉尸。鄉之翁。得珍物。新朋交歡勸酬密。席端淚落衰慵筆。

贈朱生弦有序

弦字孟清。上海人。性孝誼。前邑長九柱閭公。見而器焉。求於其父。以爲義子。及公野處。寔甚。而弦克敬養。歿買山葬如禮。復營怡愉堂。母事公妻夫人三十年。猶一日。民有盡棄舍償逋主者。妻孥皇皇無棲。

弦贖還里婦相煽奔。悉法曉教諭得止。至若羈士趙謨廬墓。教授駝塹被辟發顛。疾走山澤中。遇弦遂脫難。知予南園隘。購地廣之。予固卻弗之聽。并用序而贈以詩。噫。豈溢美哉。斯善善也。詩曰。

雲東富家多北堂。移孝義母無此郎。竹萌戴土春鯉赤。橘子滿庭寒雀黃。雀爲母灸魚爲鮓。朝進盤盂暮杯罍。慷慨氣激燕趙閒。淫擺俗悛桑濮下。最閒園丁菜飽充。郎復廣園半百弓。報之一字一絹直。疇爲廣歌愛日中。

瞿仲諒先世雲巖翁。水雲自在堂卷。趙松雪書馮海粟序。在烏涇張氏舊月樓題。

黃茅斥連鐵菱沙。青牯歲服官鹽車。變遷劫灰凡幾見。自在水雲餘一家。高堂歸若鏡光曉。霑采倒含峯影曩。涵濡爽氣散金鯽。歷亂空明兼白鳥。軟莎羃石堪枕漱。偃柳爲梁謝工巧。汪洋海度性天中。款乃湖歌人境表。先朝詞翰兩勍敵。三埋兵塵埋不得。吾宗舊氈趙全壁。世所共矜神所惜。素受繪膏傳燈。荀生齊祖本仁義之澤。詩書承最閒。園丁病始興。銅瓦日射煙紫凝。蟻聰快聆鈞廣奏。蛇綰愧續龍鸞騰。春風酒熟當過汝。月色灘聲瀉前俎。破帽縱橫繡落花。潭心蛟殷冰絲杼。相拚一月四十五日醉。莫問誰賓復誰主。

朱家奴阮辭

淮陰三月花開枳。使君死作殊方鬼。眼看骨肉不敢收。奉虜稱奴聽頤指。經遼涉海三歲久。以蝗爲糧麥爲酒。爨骸齧骨何足論。親見徐山墮天狗。今年始得閒道歸。城郭良是人民非。主家日給太倉粟。殘生猶

著使君衣。攬衣拭淚從君室。涼月蕭蕭風瑟瑟。回頭還語玉雪孤。勿辭貧賤善保軀。瞻屋未辨雄雌鳥。

太眞號國二圖周昉所畫者爲郡牧長理熙伯雍題

有唐社稷冰山重。三白楊花同一夢。就中玉環春思酣。錦襖兒將犀果弄。兒驕蹴踏飛龍鞚。直把東君遙斷送。馬嵬羅襪污香塵。杜鵑淚血啼秦鳳。君不見陽臺神女楚襄主。當時元有詞臣諷。元宗末年天降孽。楊家有女俱朝列。夫人身被六銖衣。日惹香煙下瑤闕。侍兒春閒雉尾扇。紅脂半露桃花面。似言草草畫蛾眉。猶及華清夜深宴。君不見娥英淚染湘江竹。畫昉見遺良惡俗。

唐子華知州山水

唐侯至正辛卯閒。徘徊列宿郎官班。是時元綱方解紐。花縣尙爾琴書閒。雲嵐黃旗紫蓋氣。木石牛鬼蛇神顏。岩岩樓閣密寶網。蓊蓊蘿蕙深柴關。扶藜老叟臨洄灣。琴童殊覺徒步艱。何人驢背兀吟影。興寄亦厭窮躋攀。君不見瀑流天半落佩環。款乃歌接漁舟櫓。此中佳處未少我。鑿徑擬背盧家山。嗚呼。畫史五馬何時還。五馬畫史何時還。

重過望亭新城二堡丙申冬張氏築

憶昔扁舟自西下。二堡相望無一舍。吳藩判樞翻覆兒。窄衫小弓矜騎射。歸人重經但流水。豆隴彎彎低復起。長途遺庶數十家。三四酒旗風靡靡。君不見邠公遷岐山。衛人城楚丘。外患內備古所侔。成同敗異嗟世儔。

題徐氏脩學卷有序

今華亭縣學。故徐德卿氏義塾也。會學燬於兵。官遂卽塾爲學。旣德卿子彥裕上陳。願廣葺之。期年告成。竝誌諸石。而士之才者。咸爲歌頌。予詩曰。

曩從辟地識徐卿。義塾初開儼似黉。負郭荏增田十頃。延師躬淑里諸生。魯墜孔壁聞絲竹。吳破蘇臺走鹿麇。令尹發揮新學紀。賢郎繼述舊家聲。太倉給米來庖舍。射圃揚旗拂棟甍。登降有儀推揖讓。仰瞻無極歎高明。庭槐夾夏羣歛靜。水荇涵春半壁橫。抱送自天麟五色。曩蹄已鑄兩韓紱。

謹節堂有序

謹節堂者。華亭徐去奢居士爲奉母夫人宋氏而作也。初去奢在壯年。負氣志。部舟師隸東藩。以功超遷亞中大夫。江西福建僉樞。旣夫人齒邁。卽棄官歸里。當是時。妄躁子弟。躡富梯貴。恐後執肯一審慮耶。迨事至患及。而蹈趙括之轍者何限。若漢孝子王陽去奢。其庶幾焉。去奢名彥裕。字仲寬。世爲素封之家。又以庶民之孝痛自勵。尤可稱也。詩曰。

居士前爲都護侯。戈船犀甲戍東甌。風連蜚海青蘋夜。日薄慈闈赤葉秋。三組授來丞相幕。六珈光動老人丘。忽興九折王陽歎。絕遠長平趙括憂。美笱嘉魚重鼎列。諼花奇石半簾鉤。導輿復見潘安賦。塾角曾如郭泰留。堂上壽康猶事績。郡中歌頌迭鳴球。尙期丘嫂躬雞黍。客拜龍鸞禮竝優。

寄石經歷兼東林知府孟善時歲庚戌

謝病松江辱載臨別來兩地異徽音朝盤苜蓿齋居靜秋水芙蓉幙府深乘月文鱗飛有翼巢雲黃鵠去
無心郡侯多暇風生塵幸說山人感至今

松江謝病後寄林知府時歲庚戌

十載心存祖隴田六旬病守藥爐煙南歸始遂山人願上薦難忘府尹賢紫馬晝眠高柳日白鷗秋入大
江天戴符老去非安分浪受襄陽百萬錢

松江謝病還顧孔文觸暑慰問口號以贈

養痾涇上四逾年五畝園林十畝田白首素心無漢閣炎風朱日似堯天已從蔣翽三開徑不望劉惔再
覓船顧彥能詩頗癡絕汗流卻話雪寒錢

張光弼判樞遠過最閒園

峯開南北再塵清耆舊惟存張步兵一日數程風楫順十年雙鬢雪絲輕詩題薜荔垂猿壁夢醉葡萄畝
馬營狡兔霜前落吾穀贈行聊激氣崢嶸

寄題鄉縣丞晉陽李景儀雪巖精舍

雪巖嶭峨汾水湄借問龍去幾何時荒城莫辨產蛙竈舊隱適鄰鳴犢祠春青木客嘯柯嶺夜黑昂精窺
研池要知仕學本一致松廳退食靜哦詩

送劉縝元綱碩果軒效楊鐵厓體

澤縮壤裸山若孩。爾家碩果熟徑開。金刀下動鯉魚尾。紅椒暗結梅花胎。客衣風穿寒太銳。酒槽雨鳴春小來。匏瓜老繫從苦葉。上林全借屬英材。

張判府王上海數存問併答張巡檢枉顧

酒在陶尊藥在壺。田園傍舍未全蕪。三時雨候占龍母。名草十日春容付鼠姑。名牡丹生怪裨謔謀有獲。老憐甯武使偏愚。貴游下問終身事。有愧鄒書大丈夫。

松守遣郡博士辟至府既病謝張上海招宴不赴

雲林一辱徵書下。客舍三煩齋馬過。千里快風當六月。中年斜日奈長痾。饌違松上銀鱸膾。酒遠洲前白鷺波。野性自今甘放逐。水禽山鹿不吾多。

觀靜安鐘銘還訪王靜習兼懷賴漁莊林澹庵

湧泉澹井獨經遊。鄭氏橋西舍最幽。避地無因同管華。居鄰何道得羊求。漫推文字登鐘舞。共慶章逢謝石頭。藕大玉延誰貨得。雪泥行韭屈金鉤。

會別馬穎漁

別業歸來千里餘。秦山傾蓋喜無如。青衫不污新豐酒。白髮終乘下澤車。地入東南空驛騎。雪消齊魯足淮魚。彼行此住情俱得。尙約雞肥落木初。

聶松江遣和上海具舟餞過烏涇別業召見既病還

荒雞亂叫過鄰牆。茂宰驚來坐我牀。箭駛落潮千岸失。鼓懸斜日寸田方。行轡卻掃羈孤地。奏目除名老病鄉。試憶大儒誰第一。仲舒裁是漢賢良。

庚申正月四日試筆。是曉庭雪盈尺。

雪庭掃罷若爲懷。體力差康道氣佳。鬼有文窮延上座。妻餘法喜共晨齋。江鶯春淺猶巢谷。野雀寒深自入淮。挑菜燒燈連社酒。本來時命不相乖。

寄錢泰窩、陳雲軒二遺叟。

天轉雲東上六符。有懷無寐枕同孤。紫芝隱曲歌商皓。烈火殘經補漢儒。私地春先梅老發。盛陰雷疾草狂蘇。祖生遲且疎殊甚。不計中流少一壺。

伏龍山然唯庵。建塔松隱藏。所書華嚴經。因以先妣李氏瑪瑙素珠附焉。并寄是詩。然長。千巖高弟也。

風卷重茅葺未能。報先崇塔壯神僧。一鼇峯湧大圓鏡。萬象天周無盡燈。負石鬼來雲似漆。散花仙至月如冰。吾親手澤同悠久。喜附龍函最上乘。

寄崇明秦文仲

渺渺三洲東一隅。葺茅先隴混耕夫。道存醴酒曾賓楚。國破干將不去吳。白苧袍成鷓鴣養。鶴。水晶瓜熟膾行鱸。相望暮景須陶寫。可信歌游老伴無。

懷昆山顧瑛玉山、嘗棄官與家隱同里僧寺。

吳門長嘯下青龍。道過能詩禿髮翁。九里水雲孤櫂泊。半樓霜月兩尊同。黃金浮世官俱棄。白石眠雲草自豐。俯仰舊游惟病在。海濱倚釣幾秋風。

題張後山西堂

君子堂開枕九山。翠屏玉案白雲閒。柳行接隴鶯聲迴。樓影涵波鶴思閒。伯仲賡歌皆耄耋。里閭懷德半痼瘵。重過話及張公藝。亦欲凌虛駕上攀。

喜顏守仁教授留園館信宿

前朝進士過林扃。信宿論心爲竦聽。雲氣夜蟠雄劍紫。天光寒入舊氈青。不同嘉樹生南國。猶夢鯢魚化北溟。老我歸田有龍具。僅堪供臥讀牛經。

辛酉立春日。溪園試筆。寄錢艾納、張雲莊二叟。

雨雪相仍歲又徂。短衣楚製老東吳。寶山偏聚刑餘鬼。空谷先逃行獨儒。海霽卿雲升日角。岸寒髭桺長冰鬚。爲書春帖嘗春酒。早覺蘭風拂壽觚。

溪園秋燕又春鴻。漸老形骸土梗同。遶卹梟雄奔在野。敢聞駉牝集生風。梅花占閣孤高雪。荻筍穿坻短小紅。抱膝微吟忽成調。一雙瓢影順流東。

寄張戶部以忠。就問死節丁敬可。平章子伯堅消息。丁嘗爲主事。張其吏也。伯堅又嘗從予游於金

陵，

侍郎南下喜尋盟。有子能官養復榮。淞泖雪鱸來曉棹。伊涼金鴈歇寒筇。職方圖版勞賢久。神武冠纓入畫清。聞道舊趨丁相幕。巨源於紹不無情。

題朱松石左轄歸來堂

舊時山色抱新堂。西望遙伸燕賀章。金甲樓船爭破浪。角巾藜杖獨還鄉。鶴孫影跨松閒石。鶯友聲過柳外牆。盡屏陶朱老心事。黑甜清灑到羲皇。

同誼書記遊查山留題淨無染西南林壑

地湧叢林小翠屏。海吞孤障半螺青。巖扉老衲忘人我。石甃神丹護甲丁。吳甸土寒黃耳魄。秦山草厭白蛇腥。放歌適在風埃表。幢節浮空若下聽。

寄港蘭江長老時其徒勝文海主東禪乃蝦子道場

菰採三江同謝徵。詩狂禪喝罷憑陵。乾坤影合中條壑。日月輝交丈室燈。遺世久忘形似木。扣雲曾得語如藤。願言流水師今是。萬翼神蝦再上升。

趙破螺徵士過園館言近況飲之以酒壯之以詩

牧羝山澤避徵書。還守駝墩小墓廬。乘角履穿猶說劍。一錢囊剩不思魚。潢汙毛薦寒逾肅。織誦聲連夜不虛。況復永嘉天派在。左懸朱轂相王車。

同錢思復提學曹新民教授過松庠儒職沈莼軒

沈郎儉謹居松郭新築莼軒小似蝸天厚水雲千畝利世輕鐘鼎五侯家執簪況是清脩職登饌眞便老
鈍牙十載澹交方爾過萱長如帶杏初花

辛酉雜題

斗酒豚肩鼈紫裙過家無日淚橫紛兵餘姊妹皆黃土天晚江山自碧雲陸喜在吳嘉隱德隨何遭漢擅
名文先人遺體猶清健會倚陰陰里社粉
遺經姑置楚包茅新筆恭書蠹上爻利盡島溟珠象郡道湮周魯鳳麟郊看雲杖名暮影齊巾角滴露酒名春
聲落枕凹自判優游不堪事鷓鴣添室翠分巢

槿籬莎徑入林堂春作無牽午漏長音歇野鶯新綠淺影浮潭鰕小紅香誰家數應中和節十畝寒輕二
月霜忍貰緇袍償酒債時人將謂獨醒狂

寄完哲清卿參政

六月青陽一葉秋大參躬自出遮留軍中取印舊赤手林下墊巾新白頭閩郡山園朝爽競幾人漏盡夜
行休宴游莫聽堂堂曲蟹紫橙香風露秋

書西廈時洪武丙寅沿海築城

牀頭鴟臥久空金壁上蝸行尙有琴孺子成名狂阮籍霸才無主老陳琳虹霓氣貫登萊市蝙蝠羣飛顧

陸林環海煙沙翻萬舌。連村霜月抱孤衾。

秋詞

香散天街靜玉珂。露臺風殿夜如何。星從河漢澹中落。秋在梧桐疎處多。鸞影不曾離寶鑑。蛛絲先已綴金梭。君王蠶館詢遺事。卻擬鑾車共載過。

沙館簡陳氏五昆季。兼示門生履道輩。及似沙彥約。沈鄉老。鄉人陳漢翁。時至正己丑。

家家門柳暗垂橋。曲曲沙村遠應潮。貧女採藍輸畫屋。閒僧槌鼓慶青苗。大江春信豚魚起。絕島天荒牡雉驕。地主幸敦仁厚俗。欲從嫺睦論虞姚。

聞臺中丞陳子山死節。兼懷陳東流。

身繫存亡社稷秋。世皇神主義同流。火雲鑠海黃金冶。朔野垂星赤玉旒。同產忍聞龍死蜀。斯文真歎鳳衰周。尙思弭懼君山渡。不及相陪宴太丘。東流嘗請予陪宴公。不果赴。

書無題後凡三首。偶感燕太子丹事。

火流南斗紫垣虛。芳草王孫思愴如。淮潦浸天魚有帛。寒庭連雪鴈無書。不同趙朔藏文祿。終異秦嬰祖素車。漆女中心漫於邑。杞民西望幾踟蹰。塞空霜木抱猿雌。草暗江南罷射麋。秦地舊歸燕質子。瀛封曾畀宋孤兒。愁邊返照窺牆榻。夢裏驚塵喪鞶韞。莫識白翎終曲語。蛟龍雲雨發無時。

幾年薪膽泣孤嬰。一夕南風馬角生。似見流星離斗分。謬傳靈武直咸京。九苞雛鳳冲霄翼。三匝慈烏落月情。縱少當時趙雲將。臥龍終始漢臣名。

懷馬文郁御史。靳惟正同知。兼簡陸公紱。薛孟式。

山茶雪藥渥丹脣。轉老東風倚杖身。彗尾封狐營窟夜。朝行高鴈海天春。磬裏鼗武知何往。瘦鳥寒郊不去貧。竊喜孤輝上弦月。一杯聊勸若爲親。

寄完哲清卿參政。其壻某近卒。

大參久別況如何。萼綠花開鴈又過。賣劍買牛時可得。據鞍上馬老無多。魚隨春信登先豆。鶯匿寒形在舊羅。孰料周郎美甥館。一牀鴛繡拆嬌娥。

懷故園。時寓隱烏涇十有七年。

薇花空復故園情。梧樹猶標里舍名。山抱墓田巡獸白。天流江浦去鷗清。餅羶滿載憐洪嶠。弩矢前驅隘馬卿。他日苟歸何藉口。一門無恙讀書聲。

謁陳烈士廟墓有後序

夙負聰明號聖童。野狐西闕白干虹。颺言佳室青烏子。效順長江赤鯁公。香桉山朝雲泱鬱。翠茵沙枕樹龍蔥。鮐夫釋耒談遺事。餉吏連艘酌快風。祀典龍輝荒寂表。靈休昭降混茫中。蘋蘩爲寓維桑敬。生氣英英月在空。

予謝病。自上海還省。江陰先隴。道謁夏港陳烈士諱忠廟墓。因憶幼侍大母徐氏傍。嘗聞說烈士產杭。宋末神采煥異。羈貫當盛暑。供送壺飧於力田者。隔溝潦輒騰擲畀之。若有神助。壺未始傾覆。及叩妖祥。類多中。由是閭境稱爲聖童。迨笠墩寺黨弗靖。守將莫知禦備。乃問諸烈士。首對曰。化機不可泄。既不獲辭。復曰。某日其必闕城廂。校率兵如期以待。亭午浸懈散。而寇果至。縱焚掠去。守將蔑以藉口。竟誣烈士殺之時。白氣上干頃而雨。父老謂天雪涕云。姊夫俞善善曰。烈士葬後。有陰陽者流相墓位向。當出土祇與侯封等。其先蓋業漁。同漁者網得一金赤鯉。殊長大。鬣尾奮掉。目瞠然光芒。其先驚悟。放之江。是夕夢神孺告曰。吾龍王第四子也。誤麗之網。賴公活焉。公之孫姓。將必陰祐於民社於洋溟者。今烈士感通猶影響。而北南餉舶安輸逾百稔。田更廢氓。及四方販丁庸夫。爭相奉香幣致牲醴。籲禳恐少怠。夢誠應耶。夫幽明二支一本也。烈士誕鍾炳靈。生髮甫燥。遽不幸死非罪。而英爽凜卓。弭災捍患且久。茲膺褒命自天。廟食世世。視彼烽塵閒起萑澤。魚肉鄉子弟妻女者。不翅數十惡汗於九泉也。已。予忝生同里。懼泯遺跡。於清暑假。謹繕錄前後所聞於詩左。庶俟來者。干寶氏參考焉。善善名思齊。予梧溪王逢。

積雨後同野橋小眺。橋予所名。僧善應造者。

一雨柴門三日泥。疎疎煙起野橋西。晚扶斑竹聽歸鳥。曉把青銅見伏犀。中外瘡痍需藥石。尋常冠帶夢雲霓。多情紅素芙蓉影。靜臥秋光不過溪。

重過曹樞掾別業兼唁其子克莊

憶同司業過瓜溪。爾汝鄉音話舊棲。老志入雲相抱負。惡聲連雨獨聞雞。角弓嘉樹嗟猶在。絮酒生芻忍自攜。竊頌佳兒肯堂構。柴門月色曹舊齊名未曾題。

甲子歲初度重陽范道士來祝香就書以遺之

甲子重經初度翁。一家雞犬在雲中。柳眠淡曉陂塘月。花信輕寒里社風。顧影乾坤聊自壽。與時消長有誰同。天人似格勛勞念。雙炬光交酒面紅。

桃浦王叔開省兄仲祥往成都還賦此書二紙一以美其義一以寄其兄兼簡蘇天錫歸子良二友。綠書軒開卜夜筵。再歌棠棣脊令篇。險經澹瀨瞿塘石。心戴烏蠻白帝天。先世隴田欣具在。故鄉親舊念同遷。百花水煖龍魚躍。取次三槎候綵船。

安初心禪房會任伯禧就題所畫馬卷

畫承都水月山擅高名。禪壁篝燈話半生。醉裏野狐窺火宅。筆端天馬降房精。情親況有詩書好。老大俱無寵辱驚。憶寓龍江未春歇。桃陰連苑珮珂鳴。

沈茂碩葉仁伯范叔中同登超果寺祥慶楸都綱所建一覽閣留題楣間

旂檀香閣煥璇題。緇褐俱閒望弗迷。九翠遠兼風露入。五茸橫帶海雲低。梵天靈鷲音西下。古井神鰻氣上躋。非幻難言且援筆。白花紫竹其後山巖名儼巖棲。

過沈櫓居炙艾

風溼相仍衰謝牽。小樓肱曲艾吹煙。盤蔬喜進先生飯。甕酒羞爲吏部眠。泥巷蠅歎梅子雨。雲衢虹飲橘陰泉。華陀弗視曹瞞疾。何愧龐公采藥仙。

題泖埭時主僧賢如愚不在夏生聶從遊

何年窰堵聳奇觀。勢若蛟龍上糾盤。秦縣泖先是秦四德縣。赭衣淪鬼國。梵家寶藏壓驚湍。野瞻雨黑重燈夜。天臥空青一鏡寒。欲買扁舟占漁戶。老緣無力候衡官。

謁梁黃門侍郎顧公諱野王祠

世仰希馮一偉才。亭林猶歸讀書臺。呼鷹日落荊州歎。遊鹿春深茂苑哀。輿地河山曾版入。招提風氣再天開。鍾聲澹月香雲裏。旌騎疑從野色來。

贈嘉定楊一溪道士有序

丁未三月晦。松之上海大姓錢。以憤變據松城。其黨入嘉定。執新守張率。在龍江道中。道士楊仁實。素負氣誼。蓐食草屨。毅然奔救得止。既錢敗。邑以率在民不知兵。而士儒咸德楊。形諸傳贊。予與楊又交好。爲之詩云。

嚶城外史七尺身。力全新守出兵塵。救燕曾聞齊義士。叛周自是殷頑民。三江月黯血液夜。千室煙回陰谷春。試問元都看花客。幾多芳草不歸人。

題宋侍郎衛膚敏諫議彙後有序

彙中乞褒顯死節。劄二韓雄。巡檢涇州。金虜犯順。守將請降。雄乃力戰敗擒。不屈死。霍安國守懷州。列城皆破。懷賴安國以全。虜衆再至。城小不能禦。遂自刎。家亦被害。林良器戰死河東。陳惇河北遇殺。李振陷沒於燕王。雲聶昌陳過庭出使。或殺或留。汴陷。左右班直蔣宣李福。欲率禁旅衛駕。突圍以遁。閣門祇候吳格謀。與衛士斬關出。劫兩宮於虜營。竝機洩殺之。他若二聖可還之策。東南戰守之疏。辭義忠激。猶霜嚴日皎。至如卓節偉蹟。見諸汪藻誌。噫。後昆尙思光大所先乎哉。詩曰。

奉使旃除建節旄。歸來獻納殿螭坳。東南戰守材誰備。河岳英靈夢或交。城下盟渝龍御失。日西戈寢虎皮包。斯文三復精忠在。謾謾松風過鳳匏。

寄內兄李彥梁、姊夫俞仲延二長者

小山大石網船春。江鱖河鮪柳貫新。去亂漫贏千首作。思歸惟有兩人親。梨花酒灑清明淚。麟趾金銷第幾塵。割臙啖孫經訓子。白頭相夢到朱陳。

春雪園館偶題

菜蕨春盤春又還。擲揄何物老相攀。冰生前筍瓊林桼。雲覆長衾石壁山。魴信徒勞餘赤尾。豹能真隱備圓斑。雪消十二街頭徧。靜得袁安高臥閒。
攀跋中雜興二首、後承林準叔平枉問。

經時蘿磴絕攀躋。注目傷懷夕照西。古道千金求駿骨。世情壺酒賽豚蹄。黃沙白水光相亂。青壁丹崖秀宛齊。果熟望中風自落。固應鄉幼迓扶藜。

風物疎清塵事稠。才難殊歎古時流。草元不效龍蛇日。撻鼓空催雀鼠秋。病有過家期已晚。官無搶地拜應休。星軺度驛嵐州使。謂林喜說儒衣仗節遊。

甲子冬偶書

雲東亂定少新知。江左書來有跛兒。才盡罷爲文自祭。星狂寧要舌相隨。天家青女催衣急。漏水金人上箭遲。卻喜故妻原上樹。十年羈羽託深枝。

題劉原正涉難錄有序

己酉四月。松江里長。以今年沒官秋糧。坐移易罪者。百九十二戶。徙潁上。予友生劉冠時。在徙中。凡遇道途之艱。山川之險。與夫先代遺跡。輒形歌咏。得若干首。題曰涉難錄。及事白釋還也。謁示予寓隱。其留關山垓云。關山高兮磅礴上。靡極巖千壑。萬天咫尺。朝嵐夕霏。轆轤陰絕。磴聳牙石。攢戟嶺半塔。邊忠武伯顏丞相泉。不盈不縮通海脈。仰頭試望樞棘中。羊坡鳥道崎且窄。傍有餓饑屍。前有猛虎跡。上嶺如上天。難下嶺如下。萬丈澤。昔聞劍閣險若此。我母胡爲此行役。母兮母兮回顧兒。欲語復咽愁雙眉。兒兮兒兮。母手攜。欲上卻下展轉悲。撫心飲恨言向誰。雞樹萬一東風吹。才行槩可見矣。爲題八句。百室餘千口。遷淮共慘悽。關山中道惡。母子萬行啼。月黑相鄰虎。天青忽聽雞。哀成涉難錄。田里慶安棲。

寄信道原長老

舊隱過餅錫。相違已十年。慚非習四海。爲友釋彌天。鷺嶺巖花白。鵝池水石圓。何當地密邇。蕭灑論詩禪。遊查山。登僧雲巖閣。扁曰虛翠。留詩閣中。

仙跡遺丹穴。僧坊倚石林。中宵龍甲雨。三日虎蹄涔。青薜厓容立。黃茅海色侵。爲尋霞上句。鐵杖落清音。芮庠卿邀費孟霏同知。陪酌背郭堂。既同晚步口號。

罷酒出前楹。霜寒著面輕。林腰煙帛束。天角火鋒生。臥木橋通野。疎罨水隔城。寬袍曳邛竹。俱老愧宵征。

輓范德原有後序

鶚薦書長卻。臯比坐始專。春風來學地。寒雨送喪天。范式車何往。黔康被不偏。樓居敞晴雪。憶說賀翁賢。德原諱致大。崇德人。修行博學主。無錫鉅家會。淮張入吳。辟儒教授。不赴。既陪臣於張者。禮置焉。德原曰。道固在耳。至則衿誦。雲翕雨應。不幸以疾卒。賀丞相惟一。嘗延慶元。余紹芳訓其子。子不受教。朴誤著其面。微血。子奔愬太夫人。怒。適賀公退來省。夫人曰。而祖留守。建馬上功。無膚髮挫撓。今吾孫奚過。師撻之甚耶。賀侍久出。命蒸羔具醴。宴紹芳。至執醴。再備金繡雙段。徐謂曰。豚犬愚下。姑答鞭策勞耳。紹芳繼有薦。除臨海翁仁。德元由第進士。錄事溫州。妻早歿。二子知承家。有汴宋趙宗室。必欲以女配仁。力辭。媒因告方氏師昏之濫。乃伴諾。處之別室。半載。方氏定。卒歸之。嗚呼。德原已矣。當時客樓霽雪。西望九龍山。清寒灑面。而席上所言。猶在耳也。予併錄詩後。俾叔世曉賢者禮義所自出。二公其賢矣。

乎

庚申七月一首。時謝病松江。

金火蒼龍角。門庭野雀羅。衰年歌鹿遠。清枕夢魚多。鄰有通財好。官曾勸駕過。尙平償債畢。晞髮石林阿。

過翟雲莊。觀唐功臣杜正倫下。凡五十三人圖像。

風氣開龍馬。天機貌鳳麟。衣冠中古制。經緯一朝臣。河水移源久。雲莊盥露新。相觀背搖落。益自重遺身。

寄題胡安州鼎文萬山草堂

孤州西蜀角。一室萬山分。地雜刀耕戶。天垂井絡文。獸蹄交雨雪。龍氣變朝曛。倅駕何爲政。峨眉秀不羣。

哭楊生士中

門友南遷歿。初聞實慟予。有天知孝友。無日見樞趨。壘護懷春燕。巢安怨夜烏。埋光在別業。吟思滿煙蕪。

文翬洲倡詠有序

予自至正丙午。僑隱最閒園館。時黃浦中洲生僅尋丈許。今已延廣三十餘畝。歲賦官入。諺曰。浦夾輔洲。如岡如丘。實安袞袞流。洪武癸亥。始攜里叟。門生共登臨焉。適羣雉翬。暎暎鷗左右。衆請名是洲。因名文翬。而倡詩曰。

盧涇初避地。黃浦漸生洲。里諺歸材傑。天工障濁流。望疑堅壁守。醉覺小山浮。仙躡金鼈背。神迴白馬頭。根盤連厚軸。形勢壯遐陬。漁倚盲風釣。商藏疾雨舟。篠鞭伸玉節。荻笳屈紅鉤。煙火蛟人市。雲霞蜃堦樓。

沙津魚鼓急。水柵蟹燈幽。艮震方先曙。吳淞木始秋。老懷龐德隴。隱覓謝鯤丘。僮御爭先導。吾儕試一遊。賡歌清氣合。樂志古人侔。可信文暈雉。能盟懶性鷗。

省先隴還舟望九龍山蛟山遊鯉山懷江城親舊兼寄示內姪李用外甥俞堇二首

兵甲氣全消。心旌北向搖。鯉昂雲際額。蛟斷草閒腰。習隱由中歲。辭徵涉兩朝。莫期歸衣錦。曾鄙去題橋。秀挹九龍山。還鄉未是還。水風秋意爽。霞日曙光殷。隴畝諸甥託。詩名內姪攀。城中盛親故。天與幾多閒。題朱庭佐聽竹軒

開軒能聽竹。古意未蕭蕭。先代多充耳。伶倫得奏韶。寒兼雲嶠雪。秋殷海門潮。過客詩凡幾。天光酒面搖。哭夏生幼文

秀質三花粲。才華五鳳能。星娥銀漢會。天帝玉樓徵。衣靜庭闌綵。窗虛雨雪燈。重過槁容客。猶覺映壺冰。乙丑秋書

腰痛非干米。眇昏漸廢書。靜知天運密。老與堦程疎。綠吉黃甘外。紅鮮白小初。兒歸共貧樂。容易歲云除。丙寅清明日書二首

清明二月晦。重潔祭餘觴。旁舍火新活。兩孫衣漸長。膝前簾幕雨。夢裏隴園霜。何意辛夷發。花叢紫筆房。破屋遶王田。人生狎狗鞭。知章歸入道。元亮醉逃禪。水蔓縈風亂。山花影日圓。黃龍浦東直。堪隱載家船。

園館雜書四首

竹樹藏山石作門。魚缸水帶洗花痕。鶯聲又在雞聲外。老不勝官只住村。石拂蒼雲坐若枯。強名何物靜相於。熏風似識閒邊事。椒葉片花水一盂。青春白日去無還。天假溪園小有山。林下軟莎遮坐石。何人來對片時閒。殊鄉春色不曾濃。才力新兼病思慵。一枕清風聞格磔。半餅香雪酒浸菰蓉。

輓高僧炬照菴有後序

石壁雲無礙。曇花水絕清。莫爲房琯將。四萬可憐生。

予自龍江挈舟遊湖山。時照主香林。嘗延入懺室。躬喚鶴舞作香茗供。陪觀蘇文忠題名。且示學士黃文獻文一什。留繼其宿山故事。不果。瀕別。贈照二首云。學士愛山棲一年。韓衣蘇帶迴同緣。書臺未築老僧在。金粟滿林香大千。路入飛來急雨晴。水懸風磴助秋聲。人家大樹都黃落。白足山人自在行。遂還松。曾不踰月。鄰敵大至。照碧瞳長眉。煙霞標表。義然獨不去。兵有樂爲役。爨汲者。香林旣晏然。照乃往脩北寶塔。善行益彰。壬子歲。赴今高僧選。居無河沐而跌坐卒。文獻字晉卿。與照爲方外交。及黃歿。擬築黃公讀書臺。傳不壞云。

梧溪集卷第七

江陰王逢原吉

連理梅頌有前後序

逢謝病最閒園之十有七年上春海曙巖左藻德池水陽梅大小幹四氣合理屬形色無閒特然危立當龍門浪石偶始見焉僉愕愕以爲瑞越二月二日家姬告誕男孫乃仲子攝所出者是日長庚宿於奎抑逢命躔酉分適符而梅也叢蓴玉作花香豔景意動暎會洽宜乎觴而頌曰

猗歟梅瑞巖壑合衆幹返大朴理屬氣強兼弱先春蓴根性孤彙感清影肱江韻皇英颺弗撓雪愈貞石丈盟世澤涵嘉應毓陰德積裕慶續宗毋吝家惟睦猶實有仁後其蕃熟也耶

逢頌梅已竊興憶故園菜亭南紫薇木連理尤特異先嘉會君嘗慶宴里儒陳復雷輩於亭上時逢僅有長嗣掖從在侍陳執觴起進子曰而大母徐諱芳屬未有後祝而伯父諱忠甫三歲襁負避亂兵夜仆葑蕩數濱死有勸棄之者而大母輒涕咽良久諄語曰旣子而棄焉故殺同寧死生俱也卒脫於難晚始得而父諱惠迨冠吏他郡月寄俸具鮭膾餘則班諸族之貧者寒陰雪雨鄰伍有不能舉火歲率濟饘粥而大父潛昭翁元初卒相傳好延士士數數靡怠遇事謹敏宅心夷厚鄉稱長者而伯父至析爨也而父義甚同胞倍與產業而姑歸而蚤喪又躬爲殯埋盜盜其巨木則愬於官仍歲謁時祭之兩

甥女還往三十年。卹養如一日。夫和氣致祥。植物先應。此豈偶然哉。座客咸建。建盡歡醉散。其所言歷歷今不忘。於乎。釣游先跡。愴墮夢境。流滯餘喘。行溘朝露。莫知人世。竟奚如也。雖然。天理不泯。世澤或未艾。幼孤謂諸外孫壯寡謂孟仲女。乃復相尋於家事。捐城跡屏病。句有司迫於起。藥石杖枕荒寂間。時吏部敬依起。惟爾掖等。上思繼夫志。下見篤於行。若孝若悌。大有實茲頌聲。則王氏黃灣諸靈。將不在他日佳子孫。是望是慰。是年壬戌三月初度日。書示掖攝拊。

隱憂六章。時有司奉吏部符。敬依令旨起取。

箕舌兮房耳。交燭兮東鄙。顧謝病兮四三。胡謠詠兮迭萋菲。鵠高飛兮翼焉假。蘭幽幽兮林下。蘭晨霞兮莫淦。淦秋清兮。爰酌之罍。

獸有越陸。魚有跋扈。居巢處穴。知謹風雨。辛游臨兮丁載周。以朝以夕兮。五春十秋。年老癯病兮。勿遣有詔。人事噂沓兮。紫芝叢桂聊夷猶。

芟團團兮藁葉長。鏡吾知兮眉如霜。車爾華兮服爾章。素履諒无咎兮。貞也悔亡。所未亡兮。隱憂中腸。虞士不往兮。招維旌。魯有兩生兮。沒齒無名。古道悠兮。時事并。疑莫稽兮。拔茅征。貞菊延年兮。姑淦以露英。

雞鳴嚶兮。蒼龍上蟠。鶴駕其朝兮。竊謝病枕安。須捷楚人以衣被。蕭蕭兮。雲棲簷端。於乎。策良被輕兮。七子闕下。白帽管寧兮。亦容於野。

牛山兮鵲林。材充兮培深。彼藪澤兮大獮禽。於乎窮簷短景兮。身衰退心。

震琳震澤中洞庭樂石也。

震遺琳八琅音。夔擊節猿應吟。卻西璣。謝南金。樂哉幽深。

超果寺祥磨極講師頂相贊

骨聳巖厓。胸含冰雪。具正法眼。鼓廣長舌。坐斷泖峯。高深孤絕。將使一華五葉之傳。三草二木之喻。殊途而同歸於轍者耶。

數珠銘有序

瑪瑙數珠。連環珞五事。逢顯妣李氏諱靖眞之手澤也。妣氏平居江陰。時嘗諷心經。暇舉是謂逢曰。吾有不可諱。必納之窠堵中。逢謹答曰。唯命。厥後倉卒去兵。難舊物多所失遺。而珠儼存。追惟音容之隔。已三十九年矣。今年癸亥秋。雲閒會伏龍山。唯庵然師於松隱禪林。築報恩塔落成。用藏其所書華嚴大典。乃以丹髹小合。置珠而附焉。於乎。妣氏念其忘乎。重銘諸石曰。

唯心淨。基弗垢。弗隨手澤塔是歸。尙神龍護攝。

眞率軒銘有序

邨人士許思敬。營別業於華亭縣庠之東偏。嘗懲世之狃儉失常。肆奢致劇者夥矣。乃慕溫國司馬公之眞率也。以名其軒。而介合肥霍守仁氏徵予銘。銘曰。

肉不掩豆齊相嬰。脫粟布被漢臣宏。日食錢萬晉何曾。後賢真率世著稱。簡素易直子其承。

儉德堂陶爐蓋座二銘

維蓋覆爐。猶天覆仁。靜翕太極。動舒陽春。涓惠海岱。巨細念均。至治馨香。風氣載淳。

右蓋銘

后土其載。磐石其固。鼎位奠寧。香是用籲。何敢事天。存養無素。願茲墊民。環堵永措。

右座銘

節石銘有後序

石有節。猶婦有烈。孰謂之夫也。志可奪乎。

東霞

東霞有郁。頃雨于穀。早魃方酷。曾不及霑。吁嗟乎郁兮。匪霞伊旭。東霞有雯。頃雨于枌。曾不及霧。化為火雲。吁嗟乎雯兮。匪霞伊昕。維昕維霞。孰得指兮。維霜維冰。我躬履兮。丘樊虛涼。豈無枸杞。采不盈簍。聊永暮齒。聊永暮齒。亦曰隱死。

春雪封條

春雪封條。載載載霰。羣陰淫威。陽邈應角。予適有酒。言崇于卮。匪庸解寒。庸以解悲。喪不知其幾周矣。曰心曰柳。亂不克忖其滅兮。曰狼曰狗。于昔屈虞。成騷成書。一時行獨。曠世道俱。大江充荒。源始濫觴。泰山奕奕。雷至穿石。彼桃彼李。天穰其華。松柏貞固。受命孔遐。雪聿除矣。青園微和。君子焉同。式燕以歌。

題昆山顧氏耕讀所

彼瘠兮甌窶。耕弗力兮薄吾收。於皇兮墳典。不讀無學兮。沒齒有恚。蟬有綏兮蟹匡。豹霧隱兮蔚章。耕爲養兮學爲己。猶干祿者遑遑。婁之澹澹兮。岷嶺嶺。卑茅榱兮深蓬關。身忍潔兮沮溺。道邈師兮稷顏。脈望仙兮。芸黃其槁。枯鵠鳴兮。白雨增涼。顧天窮兮竝臻。矢素志兮終抱。尊有酒兮。思與傾倒。

風條叢鳴

風條叢鳴。遍野微行。十室其五。父夫徂征。問此何時。維春發生。風鳴且止。雨淖泥泥。父夫遐鄙。妻子從徙。維時長育。人莫豈弟。露始淠淠。霜既凜凜。幸焉冬暄。虺虺迭出。遺黎幾何。憂與歲畢。月之盈矣。虧餘一郭。日之蝕矣。陽氣回薄。於仁后皇。曷威曷虐。象犀無尤。齒角其尤。鳳音悠悠。麟趾脩脩。聖不復起。嗟誰心東周。

卽事五首寄桃浦諸故知附後序

素癡得名侯君房。自享大案焦征羌。莫嫌衛旌不舉筓。口簡授使多嚴光。世閒堪鄙是何物。糞土之英揮中虱。後園石壁倚秋林。醉有髻孫旁執筆。

山牀折足琴暗微。種菊不種西山薇。願從漢士碑有道。夢遠秦鬼歌無衣。閒園不入煙火境。巨浸盡漂桃土梗。老伴惟餘臥隴雲。抱晦含光體常靜。

有章擲還太尉閣。有版不受丞相垣。南朝天子許謝病。竊長木石儀鸞園。平生氣節詩千首。才非元亞元山甘劉後。劉靜脩素聞魯廟鑄金人。晚學程門坐泥偶。雙平原裏新得原名庶全歸。他日墻銘辭大手。

貴不難得富可嗟。二事亦到園丁家。雷王藥吏錦襜袴。野藤絡樹金銀花。園丁橫筇坐梧下。竊愧長年釋耕者。身膏草野身土苴。語孫縷耒莫輕把。

東坡楚頌存虛名。止烏作亭

鳥涇新作

殊有情。枇杷換葉何青青。雪中開花來遠聲。多仁多核知爾少。柏樹根

添鄭元草。慧海禪師識侯景。華容女兒哭劉表。如何太白謫仙人。竟坐夜郎唐絕徼。裁詩寄與多才郎。塵閒寵辱要相忘。灞橋吟興驢背上。月盎冰壺蠶味長。

是詩五首。先君子卽事寫懷。鄉嘗寄桃浦諸舊友者也。先君子辱諸友見知之深。每一往游。追從款迎。惟恐後。及以歿告。孫宏叔遠歸。厚謹先王庭與立。具禮來奠。而李韶九成侯性自誠。泊雪域以聞。二人亦踵至焉。明年冬。掖走謁以謝。叔遠懇懇勞問。因語詩卷刊未完畢。叔遠慨然倡捐重貲。以聞并率諸友助之。亟召鐫工。俾終卷帙。附識詩後。不敢泯其實也。不肖孤掖謹識。

竹梅莊辭有序

竹梅莊者。嘉定陳敷禹文之隱所也。敷曾祖洪甫。號梅隱。有詩名。宋咸淳間。嘗次和靖處士梅花詩韻六十四首。其用事造語佳者。若虢國平明朝北闕。王奴昨夜侍東昏。雪裏根盤蘇武節。水邊影弔屈原身。此類甚多。張公汝諧其壻也。由進士累官至宗學博士。文行優美。後進咸以竹屋先生稱之。敷娶汝諧曾孫女。因并竹梅用名所居。江西提學楊公維禎既爲記。而逢著以辭曰。

物有類感兮。德亦有鄰。晉維王謝兮。漢維荀陳。斯竹梅兮。儼若人。噫。直節立寒兮。孤根返春。尙曷兮。爾後

雲。

夜漸短三首

夜漸短。曉彌長。統如五鼓天蒼涼。丈人醒眠斗下霜。啓明太白參錯光。周公次第朝明堂。
夜漸短。曉彌長。五鼓二點鷓鴣行。弧矢殪彼天西狼。微垣小星上煒煌。仲山甫氏補袞裳。
夜漸短。曉彌長。城烏啞啞翻曙光。羣臣夙興將鷹揚。頌美吉甫孝友張。周歷八百斯民康。

桃浦李道元世大族。承其先業。隱於農圃。而能尊儒尙友。予過其翠筠軒居。因題以詩曰。

依依小桃源。盤盤美林圃。逸人廬幽深。萬竹翠如雨。驚鳥罷遠夜。太白靜瞻午。雪存蔣詡節。籟殷湘靈語。
一家務滋德。六月卻煩暑。適來共觴詠。況喜謝簪組。籀龍嶄頭角。不久會齊祖。此理何致之。虛心自太古。
得兒掖消息

冢子官江左。頻將好信歸。敝衣羈百結。恩誥鳳雙飛。璽鑰封常早。經筵講不違。三年當省覲。環珮下彤闥。
擊石一首癸亥冬作有後序

古垣黠鼠窺篝燈。疎簾飈雀啄研冰。奉天殿旨聽野處。擊石爲歌媼所稱。孝姑周褚節彌厲。插秧播穀蠻
謳避。陳金寡清園種果。蟲蟻餘生免湯火。韓錢生長富貴家。義不再醮綵絲花。葉徐竹房日蔬食。隻影縫
紉屏塗飾。杜曹冰蘖善自持。兒作童傅身姆儀。清河山孀手摘藻。事母不欲煩兄嫂。吾家鬢女雙練裙。孟
也。枿牙蒙煖氛。仲也藥種躬培耘。備嘗茶蓼亦厭聞。君不見縶絲貝織勤歲貢。牕吠雞鳴驚夜夢。鬼車嘔

憂風雨送錦字啼痕忍淹鳳。畏途征鰲雖與共。目冷青紅蜃交竦。嵐蛇霧螾腥林洞。苟莫棄遺名義重。時哉坤貞何乃衆。君不見天孫左降雲擾鬚。霜姝月姊相高寒。西王宴饗瑤池干。衝牙觸璫鏘和鸞。瓊真魚貫金桃蟠。鳥使下上鋒劍翰。於乎漆室處女紆憂端。猶有薄薄翠袖空谷幽居安。

右擊石。蓋傷歲景短迫。男子多故。婦女能勞而貞焉。後皆鋪連空房遠道之不失其守者。或謂予老伏荒遠。無補於民生。得錄數節義鬼。亦足自見。然尙有遺者。其一夏葉氏。事姑盡孝敬。翁病痿凡七載。日滌簣易席必親。翁卒。喪製爲強宗所奪。躬再備弗較。至辭色閒。終身不矜怨。其二徐謝氏。諱燭。素凝重。當苗兵燬掠。謝從夫逃。適苗遇。驅辱之時。里閭少艾。被繫相屬。謝阻板橋。遠厲聲曰。橋有柱。我儂趁虜可乎。苗怒殺之。旣而悔。語衆曰。彼烏涇之清濟也。衆喑喑去。於乎。元季淆亂。若葉謝者。臂服古冠珮。甘碎裂於食弱肉者側。此無他。世教民彝。未嘗一息絕滅也。遂追書於詩左。

古懷

井田廢兮。民無爲生。逃而學老兮。元教浸興。千載兮。廬社晉之瘁兮。賢簞林下。菊就穢兮。蓮有芳。荆軻詠託兮。古懷疇寫。

石田研銘

石應兮。文躔窪涵兮。紫煙假吾道有年。育材飯賢。嘻。世斯田。斬于天。

采芝辭有後序

維北土岡兮。維時金商。芝叢生兮。色中央。莖玉紫兮。霓白裳。躬露采兮。奉先聖王。噫。鷹擊兮。草霜。尙父邈兮。斯文祥。

予自幼至壯。詩夢頗多。地荒存菊本。人老發梅花。紅芳飛血盡。黃蝶上衣來。犬眠牛斗地。鯢躍鳳皇池。乾坤人鮮壘。歲月鬼門關。雪落蘋花盡。青浮山影來。簾卷東風燕子還。天清月浸淡梨花。最後得草霜。鷹始擊之句。今年丁卯。垂七十矣。八月二日己酉。園北小山濯風。所見芝叢茁草閒。因發笑曰。靜觀世閒。何者非夢耶。遂作是辭。漫紀如此。

瓢湖月夜舟中短歌

驚如舟兮。舟如驚。我不知乘風兮。風乘我爲。激飛爽兮。飄揚潑。星月倒兮。相迎隨。降沅寥兮。金節舞。空明兮。文螭澹遊忘歸兮。神昇天借。嗟白日塵一冥兮。曾孰知有清夜。

壙銘

戊辰元旦書時壽七十。最閒園丁王逢。門生周畿刻。

驪駒山

園北小山

儀鸞水

所居張涇

首西正丘狂斐士。詩旌忠孝節義鬼。幣交將相公侯禮。攜家辟地兩辰已。布衣

疏盤善脩己。章木禽魚知姓氏。昨惺惺。今起起。無強近親。鮮昆弟。有芹薦者二三子。

美瞿彥德有序

彥德名懿元。故兩浙運使。靈發之從曾孫也。幼孤。事叔猶父。同居三十年。一旦以非罪在徙中。懿泣懇

於官曰罪合坐懿叔無與官義而聽之及事白歸叔已病歿懿延師勗教其子里士鍾景元謂予曰運使公之子時習仕至潯州路總管妻張氏鍾氏前後竝事母姑葉夫人盡孝敬懿於家門無忝矣乞歌詩美之詩曰

海邦甲第連雲起時異禁殊多外徙瞿家叔氏勢蒼黃姪動中心不能已廬殫地竭籍送官毅然代叔人具歡鵲鳥罷遶星月夜鴛鴦雙渡江淮寒望中溝塹或野露雄風獨轉金雞樹涼天移席竹林遊曉漏整鞍茅店渡叔氏云亡弟影孤躬親致禮師訓謨行看長大牽相保先爲歌詩歌道途

吳仲圭山水爲李源復題

我生未了煙霞債見水見山心所快兵戈瀕動十年餘真水真山不如畫梅花道人吳仲圭斯畫乃出胸中奇無聲詩託有聲寫濟也笑謂非公誰沙洲吐吞石齟齬三脊仙茅雜香杜錦繡天開靈鷲雲笙竽籟過蒼龍雨一杖商翁自外歸方舟漁郎若相語葛藟古木苔蘚皴形若槁立湊理春庖廡略約密映帶天莫我警老作漁商鄰漁或釣周商避秦

趙文敏所畫唐人馬楊鐵厓魯道原二提學詩後爲桃樹浦王叔閏題

肉驤花驄真權奇彷彿出浴西瑤池細觀元是敕賜太卿者鄧公奪取少陵哀賦詩黝雲湧身霜四蹄一目冀北空馱驥全神勃王房駟黯雙耳尖卓昆侖低奚官玉面如滿月豪豬鞞鞞鞞佩玦烏巾漆光袍錦鮮轡絲牽之驄欲活云誰手貌趙松雪復書杜詩成兩絕廉夫道原繼題品世殊荐要山人跋山人數齒

六十來分甘款段終蒿萊。掩卷萬里風霾開。

犁星芒有引

予寓隱烏涇之五年。得一石。頗秀銳。想像其狀。類犁星之芒。犁參之俗呼也。畢居參前。尤類犁之首。因復名畢曰犁星。芒云。及賦詩已。西溝丁槿田至。遂書以遺之。詩中多用星名。詩曰。太湖雲根四尺強。璞然一氣孕少陽。嶺峯岸壁秀而蒼。山人字曰犁星。芒見之在天。八穀穰。旄頭夜彗星。左旁斗十三宿。枵相當。天膚懸磬。天田荒。箕精吐舌。舐粃糠。星芒下韜儉德堂。有應斯叩如琳琅。有儼斯望如圭璋。遺世特立者可方。雲僑霞僊。山人章。躬拜心顙。紫府皇。庶回大東。汜小康。於穆皇靈。時雨暘神。夫服役農致祥。

酬趙天放并後序

天放贖翁吾故人。衣帶水隔逾十春。昨寄哀歌歌動神。孤梅泫然弱柳顰。君不見鴈奴知更。烏子反哺。牝馬之貞。有煒簡素。日車六月驅火雲。冰雪懷懷驚蟲蟲。人生粹美嬰世紛。一時百世薰蕕分。贖翁今策詩家勳。令我起立筆欲焚。思共石坐飯野芹。

右鶴沙瞿婦喬永貞氏。淑而豔。甲子歲六月六日。倭賊欲犯。貞拒不絕罵。刃下死。趙天放嘗歌之。有曰。倭賊殺民凡六百。獨有婦喬死貞白。至是連阿都赤代主受獄。會赦免。沈獻代父械而死之二家狀。徵附梧溪集行焉。嗟呼。痿人不忘起。予固衰疾。久屏筆研。然節孝義三者。棄而不錄。豈情也哉。趙鎮名。天

放其號云。

望美人三首

望美人紅顏幾見桃花春。鯉魚三十六金鱗。鯤躍鵬化天之津。

天津橋在河南。

春風一度花還好。鏡中紅顏看

漸老。美人當來竟不來。淮煙遮斷青青草。

望美人春復秋。碧梧銀牀露華白。吳臺越宮煙草愁。黃河不入淮泗水。美人坐擁萬虎兕。煉石既補西北

天。少須長劍東南倚。

望美人一朝又一朝。霰雪漸邇旌車遙。使無入楚蒼問鼎。神有鞭石梯爲橋。長江天使限南北。况復南軍

夜傳食。人言美人何可得。駉牝三千皆鳳臆。中有晉駟高八尺。

題括蒼趙秩可庸兩使東夷行卷

維日本啓國。曰卑彌呼氏。始覲桓帝朝。乃冠帶理髮。至唐宋。若父母撫子。有元征不庭。由行人匪賢。或通

或通垂八十年。明君作遠用柔表降貢。違厥臣僕羞。君其韜威秩是謀。再詔秩往僧勒闍等同舟。鼓鏡轟

震龍伏湫。旌幢電曄香霧浮。彌月說法飛梅陬。名王恭迎駕象輅。秩也徐策天駟騶。仁義漢節詩書吳鉤。

掠魛羅觀毛人。寵扶桑駐流求。陽舒陰翕上德意。冒嵐衝濤百艱勤。繡衣經寒紫貝闕。驪珠呈春白玉陛。

收名汗竹光汴裔。折丕趙咨烏竝轡。

遂歸二首時歲癸亥上春有序

遂歸二首者。逢謝病將省先隴而作也。洪武辛酉夏。平陽府隰州大寧縣丞蔣會。以逢文學疏聞於上。既有旨召會。逢怔淋蹙跛。更輟互發。幼子拊屢訴有司。歷十又九月。弗見聽。遣行迫甚。乃十二月朔。京師大雪。時長子掖承乏通事司令。從百官侍閒奏。蒙特恩命吏部符止之。符下。闔境耆艾慶忭曰。山人歸其遂乎。逢性礦野。寒宗微跡。竊已略具內兄李四莆荀圖詠版行舊矣。姑記去鄉兵垂三十霜。僑烏涇亦十有七暑。太尉張公。闔幕省僚之拔。浙相達公。蕭山之板。迨今松守林公慶。王公貞。葉公茂。薦辟竝辭。逢念夙佩大母徐氏慈誨。先君庫使嚴訓。學竊自立。素貧承祀。遺囑炯炯在心。况諸墓久榛。女兒張婦葬淺。客土鷹仁狐首。途暮愧并扶。僊西向。理勢不得緩耳。序以陳情。詞以紀別。詞曰。

鴻冥飛兮天遺。烏號寒兮孝是思。長缺何所利兮。崩緱歌客曾不若鈍。雷兮荷老隴陌。席辭於珍。佩隱於玫。大江羣山。釋然歸身。孩尙知愛。庶予及薦新兮。

世故增畢兮。家難纏微。老既戒得兮。病盡賦歸。乃裹藥兮囊衣。霜露備極兮。梅柳具輝。夢維何兮。吉兆隴青青兮。鬱金草。帆神風兮。醪糗香。飛九峯兮。湧三泖。歸遂兮。信美。中赧兮。且喜。無碑兮。麗牲。有錢兮。剪紙。日下臨兮。春再班。影孤鷗兮。橫灣。諒先業兮。可復。將天梯兮。絕攀。

短謠留王公上海有序

公名瑛。字子華。魯人也。由安豐縣學訓師來爲上海。逾年。以微罪去。而處約一如在官。時嚴冬。淮已冰。父老咸欲公待春水生。歸里乃便。予父老中謝病者也。又忝同姓。因撫實成短謠。託門生張敘轉投之。

幸聽而留焉。蓋公之能仕也。安己以貧。能退也。致民盡禮。斯二者之善。將使謝令輩知所愧倣矣乎。謠曰。

龍集作噩月建子。更十爲縣一歸里。淮冰膠舟雪埋軌。公無遽行遲春水。

覽吳氏二賢母傳誌有序

永嘉吳孝子荃。母林廉氏。年二十二懷妊。其夫方病革。嘗指顧其腹。旣亡一月生荃。又閱月大父亦歿。大母胡節氏。率林斂葬如禮。共誓保遺孤。時至正末。凶魁謀不利於荃。欲劫致林。林昇姑與荃遁。遂免。荃稍長就學。躬織績以資師贄。不幸林又卒。胡益飭之力。由是荃鴻漸豹蔚。粲縟里術。孤宗緒業。賴以弗墮。於乎。吳氏貞萃一門。慶衍沖子。富貴肇憂患之極。天豈遠人乎哉。荃今拜監察御史。旣錄傳誌。介友人章瑱致書於逢。因掇其槩。系以詩曰。

有身當化延陵土。有血不舛將軍鼓。夜黑昇姑衝猛虎。教兒從胎哺從乳。兒甫勝衣事書帙。阿嬭阿婆相喪失。紫鸞誥賜屬此時。金魚杖擊悲無日。草庶猶存報答心。柏孤善寶昂藏質。重闌北堂聞欬歎。小雨繁霜動悽愴。歲甲子春正月吉。煙霞老臥田巖疾。誌連郇雲墮圭華。君不見天魔舞隊元末時事酣七盤。海內盡戴琉璃冠。宋末時事人情本常世道變。之二賢母光瑞安。於乎泰山巖巖石可刊。三遷永銘孝者肝。

半古歌

烏涇婦女攻紡績。木縣布經三百尺。一身主宰心窩低。十口勤勞指頭直。邇來錐刀事苛刻。直處難行低

不得。狐狼梟獍躬踐跡。舜典臯謨供戲劇。君不見王伯夷狄禽獸主。腐儒作歌歌半古。

趙量遠年七十五。縣舉學諭。夜酌閒園。口號以贈。

丁寬韋編久在攜。趙德校牒殊遲遲。揚雄草元僅覆瓿。匡鼎說詩徒解頤。漫漫夜迢天罩野。且罄燈前椰子罍。明年朝正彤闌下。開國承家慎陳寫。

次韻信道元長老菱溪草堂見寄之作。有後序

石橋方廣多可稱。中有萬歲之紫藤。雲深幽磬響或作。溪面落花香欲凝。下方豐蔀金碧氣。老禪跏趺蒼翠層。天柱家山甚峻爽。杖錫讓爾今先登。

道元少與茅山道士張伯雨。前進士會稽楊廉夫齊名。嘗有西湖竹枝詞云。湖西日腳欲沒山。湖東新月牙梳彎。南北兩峯船裏看。卻比阿儂雙髻鬟。至今爲絕唱。或者病其浮薄。廉夫謂曰。金沙灘頭。菩薩亦隨世作戲。或者釋焉。誠演二公。與道元同字。皆博學負重名。而道元戾契度世。僅住小山林而已。今年八十餘。託友生錢岐。以詩見寄。且囑曰。幸致敬席帽翁。予不久天柱家山去也。於乎。台鴈山天柱。豈特道元林龜在耶。

丁卯冬季卽事

庭樹禽翻雞唱初。鉦笛錢聲老鑿廚。冰壺不忝元修菜。箬葉何啻丙穴魚。一線漫長迷五色。寸陰眞足助三餘。暖隨水霧先春發。寒併冰山與歲除。

立夏日書

孟夏四月朔。薰風當午時。諸陽老益壯。一氣轉何遲。錦帶花裊裊。黃精實纍纍。青陰覆盤石。無意坐彈碁。病中述懷

終老甘農圃。煙蔬帶豆田。無官天曲宥。有徑世旁緣。暖趁茅茨日。寒知竹柏年。私懷復何慊。吾道不無傳。壽亭成

疊盎浮春釀。親朋慶壽亭。麻衰萬石長。機帽小城丁。易卦懲同吝。騷詞詫獨醒。三郎市諸藥。魚菜附歸舲。題管夫人畫蘭

趙管才高柳絮風。水晶宮裏寫幽叢。秋來紉作夫君佩。笑殺回文漫自工。

題二喬圖

竝看兵書白象牀。半生鴛被拆寒霜。英雄自伐蛾眉斧。不寤齊王聘采桑。

題甯戚叩角圖

南山石爛短衣單。叩角歌興夜未闌。一出客卿成底事。莫將堯舜料齊桓。

過徐氏寬閒軒居。諸門生聯句附。

百畝寬閒野。三間低小簷。平生遵儉德。中歲謝勞謙。藥火蒸雲竈。茶香出午簾。泥塗盛車轍。不是學陶潛。園林聞獨樂。逢几杖喜同操。餉道疲牛馬。柴車載糗醪。詩催時雨足。賢聚德星高。一水圍精舍。

餘寒戀敝袍。少陵糧芋栗。仲蔚徑蓬蒿。雞對清談暇。魚忘赤尾勞。香泥融燕寢。新盎響蠶繅。交
篤雲霄義。遵兼沼沚毛。張儀徒事客。郭解漫矜豪。安得扶衰憊。相鄰遂晦韜。

周芙哀辭有序

六磊周芙。本細家息。孔胥妻也。孔素無鄉曲譽。乙丑冬。舟過塘上。鄉人僞邀飲。醉敗舟。以民害愬於朝。
孔自度不免。密書與妻。蚤尋仙遊。庶絕軍配。族黨難諭之。其妻覘得故。神色不亂。言笑如平常。且備盛
酒饌。延親鄰。是夕素服雉經死。時年二十九。孔聞之曰。予伏誅梟木。無遺憾矣。園西媼張毛云。

濱潦奔流合。東南乖氣鍾。憐生俱薄陋。就死獨從容。道殣懷金壁。閨情采菲葑。親鄰競嘉歎。不復佐嘗羹。

張貞哀辭有序

予門生張敍女諱貞。嫁海縣周曹。以復入公門刺而瘕死。先是貞在徒籍。懼配軍。投秦淮卒。及周屍昇
過其所。貞湧浮水面。神色踰五日夕不變。認者曰。此呂學諭甥張訓導女也。殉夫藏聚寶坑。舅姑能無
念乎。予哀之曰。

堂上嚴君海縣儒。素聞出嫁義從夫。佳人命薄非今日。那得將心報舅姑。

梧溪集補遺

郊行卽事

枯茅三四椽。黃土一兩堵。中有白髮翁。累累織麻屨。將謂營朝夕。乃以輸官府。昨日設公譙。高堂陳鼎俎。食前方數丈。吹笙擊鐘鼓。里胥叩我門。咆哮怒如虎。賣屨典春衣。出銀二錢五。我聞長太息。垂頭不能語。去去趣歸來。村村省編戶。

白龍洞

延甲按、洞在江陰南外由里山。宋知軍范宗古、建龍王堂于此。

開元年中關輔旱。靈岳神祠禱幾遍。少監馮生能畫龍。明皇命試新池殿。落筆蜿蜒勢未已。素鬣冰鱗濕如洗。池波洶湧雷電驚。雲氣之門白龍起。吾觀馮豈作霖人。畫龍能雨疑有神。深山大澤多窟穴。不應杳眇不似真。澄江接海連空白。宏深當是神龍宅。螭虬狡獪非其倫。河伯江妃敢驅役。霜鎖烟關晝不開。時傾膏雨蘇民災。一爐香火動誠意。風馬雲車天際來。吾聞澤國多水患。淮甸地乾多苦旱。願均神力遍四方。無令水旱常相半。

西膠山雪晴。寫呈無錫州尹。遂蒙罷吳家渡築城之役。

一夜雪深二尺強。石人墮指冰蠶僵。猶喜金烏兩翅凍不折。天明飛出海上之扶桑。老夫晨起膠山下。風景看來渾是畫。連山萬頃玉爲田。隔水數家銀作舍。田中築城團義兵。日高未飯飢腸鳴。黃泥凍地硬如

鐵白柄短鋤鏘有聲。不辭受寒餓。但恐虧工程。將軍踏雪來點名。萬夫鵠立顫且驚。馬前壯士五色棒。棒頭性命鴻毛輕。予生侮不習兵法。雪夜擒吳書奏捷。客櫚抱膝漫悲歌。奈爾義兵寒若何。

山中春晚

山中行跡少。地迥落花多。草長迷香澗。松高掛女蘿。林深猿鳥下。徑靜鹿麋過。春事今云暮。其如懷抱何。

送安上人歸馬跡山

插竹山中偶出遊。折蘆濠上卽歸休。踞牀獅子聲方吼。鋸鐵龍駒跡間留。花雨六時紛似雪。松風五月冷於秋。客來認得南泉斧。七十二峰應點頭。

古詩五首。從邑城楊啟樵家鈔本錄出。筆意蒼渾。且於時事極有關係。遺之殊爲可惜。亟補錄之。啟樵名敦厚。邑諸生。嘉慶己卯恩科進士。由庶常改中書。名景曾之本生父也。年近八旬。讀伊祖宮傳文定公遺書。尙手不釋卷。原鈔詩六首。內一首已見卷四中。外有長短句一首。贊一首。與梧溪子手筆不甚合。故闕而未錄。非敢遺也。

道光癸未秋八月。邑後學雲樵葉廷甲。識于靜觀樓。時年七十。

梧溪詩集後序

梧溪詩集七卷。江陰王原吉先生之所作也。原吉幼從陳漢卿先生學詩。漢卿與柯敬仲嘗同事虞伯生。得其傳。故爲詩春容而激切。優柔而慷慨。與有元盛時。楊范諸公。齊驅竝駕焉。先生諱逢。原吉其字也。以祖母徐夫人手植雙梧於江陰橫河之上。不忍忘。因自號梧溪子。世家江陰。元季避兵。徙松之青龍江。復徙上海之烏涇而居焉。元至正閒。嘗獻河清頌於朝。大臣薦之。辭不受。後張氏開閹姑蘇。招賢禮士。時士多爲之用。先生獨高蹈遠引。不汙一命。國初有以先生文學薦於上者。召之甚急。亦以老疾固辭。噫。先生之節槩如是。其爲人可知矣。子掖。洪武初任通事司令。轉翰林博士。兼文華殿經筵事。卒於官。敕葬故壠。掖子徠。嘗以才德薦至京師。未官而卒。徠子輅。宣德中以秀才舉授江西南康府照磨。到任未幾。以疾卒。二子曰顏。曰孟。俱幼。不能還。遂僑居南康星子之東澗。祖母黃母徐躬紡績以教二子。今俱有成。先生未歿。而是集已梓行於世。先生嘗自標題其微詞奧義。及人名地里之難曉者。於各詩之首。其第七卷則先生旣歿。而掖之所刊也。先生畫像。楊鐵厓諸公皆爲之贊。乙卯歲。星子之僑居。厄於回祿。故與掖所授誥敕俱無存焉。吁。可惜也。始輅來南康時。留是板於烏涇故居。正統戊午。顏歸省先壠。始攜以來。則板之失脫與字之昏剝者。十有餘矣。歲乙亥。余來守南康。聞之。亟取視焉。幸其家尙有原本。乃命孟逐一酬對。繕寫而命工重刊之。以補其缺。是集乃復得其全云。顏孟皆恭謹好脩。讀書知大義。善事其母。孟今爲社學。

師而顏遣其子輶入郡庠爲弟子員。可謂能不墜其家學者矣。景泰七年歲在丙子秋七月之吉。賜進士中順大夫南康府知府錢塘陳敏政書。

